

**Wapiyaro' Kareta PaarꞰ  
Nennoko'pꞰ  
Koren Pon Kon  
Ena'  
Ekamanin**

*Wapiyaro' Kareta PaarꞰ Nennoko'pꞰ Koren Pon Kon Ena'* e'menuka'pꞰ ekamaꞰa Kari'san ama' uko'manto' miri awonsi'ki to' napurina' esi konekanin pe so'si PaarꞰ nusara'ti'pꞰ Koren po. Miri a'tai, Koren esi'pꞰ eke kuru mi awiron kon enawon Kiri' pata, Roman ama' e'to' itesa' pe awonsi'ki A'kaya pon. Tupurataai epoto' iya pikiri ti'tusen pe iyesi'pꞰ, iko'mama' eseru ri, eke ri mi yawiron ni iyekumato', miri awonsi'ki tu'kan ni itekare yau iyesi eseru.

Itekare ekamase enno'sa' usewankamato' eke pe esi, te'tanu'se miri awonsi'ki so'si tawon kon ekumato' pi' isewankamato', miri awonsi'ki asa'kiri e'nito' miri awonsi'ki emari'man nito', ewan wanni uya i'tuto', so'si eseru, WakꞰ A'kwarꞰ natuꞰana', miri awonsi'ki eri'ni tupo e'mu'sa'kan nito'. Inawonsi'ki enei'ma enpoika iya wakꞰ itekare usauro'to' seri ton pi'.

Isa'ta 13 airi usi'nankan nito' tuꞰu pi' na'ne' wakꞰ ye' kuru Papa natuꞰana' tumunki ama' ena', esi kuru ri eke pe kuru ti'tusen kareta yawon.

**Iyawon Ekamanin**

Ekamanin (1:1-9)

E'tanu'ni pi' e'ni pi' so'si tau ri (1:10—4:21)

Ekuman, munki pokon pe uko'man nito' (5:1—7:40)

Kuraisan amu' miri awonsi'ki Papa i'tunin nan pen (8:1–11:1)

So'si uko'manto' miri awonsi'ki apuripi'to' (11:2–14:40)

Kurai e'mu'sa'ka'pu miri awonsi'ki apurinin nan (15:1-58)

Kuraisan amu' Isutiya pon kon ena' tatusen (16:1-4)

Itiwano' ton ni nin miri awonsi'ki iu'matu (16:5-24)

<sup>1</sup> Paar, esa'sa' Sises Kurai nennokon pe, Papa eseru wini, miri awonsi'ki utonpa kon Sostenes winipaino,

<sup>2</sup> Papa so'sii, Koren pon enakan, kamoro Kurai Sises wini iyekonekasa' kon waku pe te'ton kon pe, kamoro mi awiri na'ne' nan amatu pe esii'ma Sises Kurai, uyepuru kon esaku pi' na'ne' nan, to' epuru miri awonsi'ki uyepuru kon ni niri:

<sup>3</sup> Waku nonkasa' miri awonsi'ki tausewankamai' pu'ra iwe'to' kon Papa, ukai'panu kon miri awonsi'ki Itepu'ru Sises Kurai winon nesii iyenau'nokon.

### *Tenki Tato'*

<sup>4</sup> Tiwiri ri Papa pi' tenki tawon uri ipi'nokon, apune pu'ra waku nonkasa' iya pi' ipona'nokon, Sises Kurai awiri.

<sup>5</sup> Apune pu'ra kuri ri awiri eke pe ri eposa' auya'nokon tanporon yau ri—ausauro'to' kon yau, i'tunin pe iwe'to' kon yau—

<sup>6</sup> apune pu'ra Sises Kurai ekamato' ina uya esi'pu merunti pe ayau'nokon.

7 Miri pe iyese pi', i'ri ri Iya'kwaru uya iyemepora'tito' kon temepora ke para iwesi kon pen ni inenpai kuru iyenuriku kon koro'tau Sises Kurai usenpoika.

8 Pana' pe ri iyenkurunpa kon Uyepuru kon Sises Kurai uya miri iu'matu pona ri, imakooi para iwesi kon pa taweyu a'tai.

9 Papa, tamu, Sises Kurai pokon pe iwesi kon pa iki'manin nu'pu kon esi, tusauroku'pu awiron pe.

### *So'si Tau E'ta'nu'pi' Ni*

10 Iyekama'po uya 'nokon kuru ri, utonpa ton, Uyepuru kon Sises Kurai ese' yau, isi'kaisa ri iyese kon e'to' pe, iye'ta'nu'pitu kon namai', waku pe kuru ri auta'sisa' kon isipona e'to' pe aya'kwaru kon miri awonsi'ki iusenuminkato' kon yau.

11 Utonpa ton, Kuroi tonpa ton uya upana'tisa' man isipi' iwe'pi'to' kon pi' isiwano' pe.

12 Se pi' sa'ne ta uya: Taron ni uya, "Paaru a'kiron nin uri;" taron ni, "A'poros a'kiron nin uri;" taron ni, "Ke'pas\* a'kiron nin uri;" taron ni niri kanan, "Kurai a'kiron nin uri," ta pi'.

13 Kurai pe' e'ta'nu'sa? Paaru pe' pokapitu'pu kurusu' pona iiwano' kon pe? Iyepa'taisima'pu kon pe' Paaru ese' ya'?

14 Epori'mayai' apa'taisimasa' uya 'nokon para iyese pi', Kurispos miri awonsi'ki Kayas riken,

15 inu' uya ri nin si uyese' yau tepa'taisimasa' ta para iyese miri.

---

\* **1:12** *Ke'pas* (Arami' maimu yau), miri pe para *Pi'ta* (Kiri' maimu yau), asa'ri ri mari esi ti'ta e'kwa pe. **1:12** Inkupu'pu 18:24 **1:14** Inkupu'pu 18:8; 19:29; Ron 16:23

16 (Ewai', Sitipanas pokon ni niri kenu' pa'taisima'p<sub>u</sub> uya man; taron kon nin si pa'taisima'p<sub>u</sub> uya p<sub>u</sub>ra kuru man uyenu yau.)

17 K<sub>u</sub>rai uya sa'ne pa'taisiman nise'na uyenne'sa' p<sub>u</sub>ra iyese, e'tane wak<sub>u</sub> itekare ekamai'—ka'pon pu'ket<sub>u</sub> maimu yai p<sub>u</sub>ra, K<sub>u</sub>rai kurusukuui e'meruntir<sub>u</sub>hi'ka namai'.

*K<sub>u</sub>rai, Papa Pu'ket<sub>u</sub>hi Miri Awonsi'ki Imeruntir<sub>u</sub>*

18 Ap<sub>u</sub>ne p<sub>u</sub>ra kurusu' ekareei esi se pe ri kamoro t<sub>u</sub>ma'tasan pona, e'tane uri'nokon iyepika'tisa' kon pona Papa meruntir<sub>u</sub> pe iyese.

19 Ap<sub>u</sub>ne p<sub>u</sub>ra iye'menukasa':

“Pu'kena' ton pu'ket<sub>u</sub> ma'tan<sub>u</sub>k<sub>u</sub> uya miri;  
emiya'poke' ton emepor<sub>u</sub> eno'ma uya miri,”†  
tasa' iya.

20 Nai airi ken si pu'kena' nai? Nai airi ken si isenupasa' nai? Nai airi ken si seri a'taino kon pata eseru pi' t<sub>u</sub>sauro'san nai? Papa uya pe' se pe te'sen konekasa' p<sub>u</sub>ra nai pata pu'ket<sub>u</sub> pe?

21 Ap<sub>u</sub>ne p<sub>u</sub>ra Papa pu'ket<sub>u</sub> yau, pata uya t<sub>u</sub>pu'ket<sub>u</sub> yau i'tusa' p<sub>u</sub>ra iyese, Papa epori'ma'p<sub>u</sub> se pe te'sen itekare ina nekaman<sub>u</sub> poro kamoro apurinin nan epika'tito' pe.

22 Esuwer<sub>u</sub> am<sub>u</sub>' esi i'tuto' ipikiri e'kup<sub>u</sub> inenpai, Kiri' am<sub>u</sub>' esi ipu'ket<sub>u</sub> inenpai,

23 e'tane K<sub>u</sub>rai pokapit<sub>u</sub>'p<sub>u</sub> kurusu' pona ekama ina uya: Esuwer<sub>u</sub> am<sub>u</sub>' e'pi'popi'to' ipona, iya'kwar<sub>u</sub> p<sub>u</sub>ra Esuwer<sub>u</sub> am<sub>u</sub>' pen pona te'sen,

24 e'tane kamoro Papa naki'ma'san, asa'ri ri Es-uweru amu' miri awonsi'ki Kiri' amu' pona, Kurai esi Papa meruntiru miri awonsi'ki Papa pu'ketu pe.

25 Papa e'to' iya'kwaru para esi ka'pon pu'ketuu entai ipu'ketu, miri awonsi'ki Papa e'to' i'si'mura esi pana' pe ka'pon meruntiru entai.

26 Utonpa ton, isenuminkati' iki'ma kon a'tai iwesi'pu kon nu'pu pi'. Tu'ke para ri iwesi'pu kon pu'kena' pe ka'pon eseru yau, eke ton pe, eke ton mare pe iyentusa' kon pe.

27 E'tane Papa uya iya'kwaru para te'san non po anansa' ta'kwaru'kena' nan piyi'nu'nin pe, Papa uya i'si'manon anansa' pana'pa' nan piyi'nu'nin pe.

28 Non enu yawon pen ni anansa' iya miri awonsi'ki eno'masa' ri, ipun ni, moro te'sen ma'tanu'to' pe tauya,

29 inu' ri utapuri namai' tarau.

30 Kuri ri uriya' Kurai Sises yau iwesi kon miri, iyekonekasa' ru'pu upu'ketu kon pe Papa winon pe—iyawiron pe, waku miri awonsi'ki uye'manin kon pe.

31 Miri wenai, iye'menukasa' na'ne' kasa: “Tiwi atapuripaino natapuri Itepuru yau,”‡ tasa'.

## 2

1 Utonpa ton, ipiya'nokon uye'taine' a'tai, eke pe ri ika'ni pe ri, pu'kena' pe ri Papa ekareei ekamai' uyepu pan.

2 F'ri i'tunin pe para ri e'kupu'pu, ipiyau'nokon esii'ma, Sises Kurai pokapitu'pu riken kurusu' pona.

---

‡ 1:31 Iseremaya 9:24

3 I'si'mura ri miri awonsi'ki enari'ke' pe ri e'tititi'kai'ma ri uyee'pu ipiya'nokon.

4 Uyekareei miri awonsi'ki ekamato' uya esi'pu miri eke pe ika'ni pe para ri miri awonsi'ki apurinin pe iku'nin kon pe para ri, e'tane Iya'kwaru meruntiru ri nin usenpoika'pu,

5 anapurinu esi namai' ka'pon pu'ketu pi' ri, e'tane Papa meruntiru pi'.

*Pu'ketu Wannu Iya'kwaru Winon*

6 Miri ri nin si e'tane, ipu'ketu ekareei ekama iyaku'pasa' kon koro'tau, seri a'taino kon pu'ketu pen, miri pe para seri a'taino kon epuru ton\* pu'ketu pen, ipura enan pi' na'ne' nan.

7 Usauro'ni'nokon seri ama'aino Papa pu'ketu pi', ipu'ketu tonan tau iye'sa' ru'pu, uiwano' kon a'kwa pe Papa nukupu'pu pata epiya'ti rawiri ri.

8 Seri a'taino kon epuru ton uya ito'ka'naku pen ni, to' uya ito'ka'naku yau, to' a'kwa Epuru pokapituino pen kurusu' pona.

9 Miri ri nin si e'tane, iye'menukasa' na'ne' kasa:

“En nene'pu pen ni,

pana neta'pu pen ni,

usenuminkan nito' ipi' pen ni,

Papa nukoneka'pu kamoro ti'nankanin nan

iwano' pe ri esi,”†

tasa' iya.

10 E'tane si Papa uya enpoikasa' uyena'nokon ta'kwaru wini.

---

2:3 Inkupu'pu 18:9 \* 2:6 seri a'taino kon epuru ton, iri ton a'kwaru meruntiru ton pata po ne'turawasomayai'ne' pi', ta iya pe iyesi. † 2:9 Aisaya 64:4

Iya'kwar<sub>u</sub> esi tanporon ni warinpanin, i'nawon ton kuru ri Papa eseru pe te'sen ton.

11 In<sub>u</sub>' ken ka'pon nai ka'pon usenuminkato' i'tunin, iya'kwar<sub>u</sub> ri nin ti iyawon ni? Miri kasa ri, in<sub>u</sub>' uya Papa usenuminkato' i'tu p<sub>u</sub>ra ri iyese, Papa A'kwar<sub>u</sub> uya ri nin i'tu.

12 Non a'kwar<sub>u</sub> eposa' uya'nokon p<sub>u</sub>ra iyese, e'tane iya'kwar<sub>u</sub> Papa winipaino, ito'ka'n<sub>u</sub>'to' kon pe Papa uya urepa'p<sub>u</sub> kon ike.

13 Seri pi' si usauro'ni'nokon, ka'pon pu'ket<sub>u</sub> ke, isenupasa' kon maimu ke pen, e'tane main, Iya'kwar<sub>u</sub> uya enupan nisa' yai, iya'kwar<sub>u</sub> yawon i'napairon ekama pi' iya'kwar<sub>u</sub> maimu yau.‡

14 Iya'kwar<sub>u</sub> yawon pen ka'pon uya Papa A'kwar<sub>u</sub> wini teposen eporo p<sub>u</sub>ra ri iyese, ap<sub>u</sub>ne p<sub>u</sub>ra iya'kwar<sub>u</sub> p<sub>u</sub>ra ri iyese ipona, miri ton to'ka'n<sub>u</sub>k<sub>u</sub> iya p<sub>u</sub>ra ri iyese, ap<sub>u</sub>ne p<sub>u</sub>ra Iya'kwar<sub>u</sub> yau riken ti'tusen pe iyese.

15 Papa A'kwar<sub>u</sub> yen pe te'sen ka'pon uya ri tanporon ni aimenka, e'tane in<sub>u</sub>' uya nin iteseru aimenkato' pe p<sub>u</sub>ra iyese:

16 “In<sub>u</sub>' uya Itepuru usenuminkato' i'tu, enupato' pe t<sub>u</sub>uya?”§

ta iya. Uri'nokon nin man ti K<sub>u</sub>rai usenuminkato' esa' pe.

### 3

#### *E'ta'n<sub>u</sub>'pi' Ni Pi' So'si Tau*

‡ 2:13 iya'kwar<sub>u</sub> yawon i'napairon ekama pi' iya'kwar<sub>u</sub> maimu yau; miri pe p<sub>u</sub>ra, i'nairon iya'kwar<sub>u</sub> pe e'nito' pi' iya'kwar<sub>u</sub> pe te'sen enupa. § 2:16 Aisaya 40:13

1 Utonpa ton, ta'kwaru kenan kon auro'ka kasa ayauro'kato' uya 'nokon para iyese, e'tane seri non pon kon pe ri nin ayauro'ka uya 'nokon, amiyu amu' pe ri Kurai pona.

2 Meru' ke iwo'pa'pu uya 'nokon, sa'man kiyari ke irepa'pu uya 'nokon pen, apune para iyekonekasa' kon para iyese pi', itiwano' pe. Inapairi ri, iyekonekasa' kon para ri mari iyese.

3 Non pon kon pe ri mari iwesi kon. Apune para moro ri ikintan miri awonsi'ki isipi' e'ni esi pi' i'koro'tau'nokon, non pon kon pe para pe' me'atuu? Ka'pon amu' Papa punon kon e'to' kasa para pe' me'atuu?

4 Apune para taron ni uya, “Paaru a'kiron nin uri,” ta; taron ni uya, “A'poros a'kiron nin uri,” ta; ka'pon amu' pe para pe' me'atuu?

5 Inu' kari A'poros? Inu' kari Paaru? Poitoru ton ni nin, kamoro poro apurinin nan pe iyenasa' kon— Itepuru uya to' poiri'ne to' tarawasoi'tipi'sa' awiri.

6 Ite' pimi uya, A'poros uya nin si inanuku miri, e'tane Papa uya nin si a'tanuku miri.

7 Miri wenai, kari ipinnin miri awonsi'ki kari inanunin esi miri i'ri pan pe para ri, e'tane Papa riken i'ri ri a'tanunin.

8 Ka'pon ipinnin miri awonsi'ki ka'pon inanunin esi miri tapon ri'ne para ri, miripan kon e'mato' oton esi miri itarawasoi ru'pu pikiri ri.

9 Ina esi Papa tarawasoi ku'nin nan pe a'samutu yau, imiri'nokon esi Papa mainaru ton pe, Papa naminu iuti pe ri niri.

10 Waku nonkasa' ke Papa uya urepasa' na'ne' ke,



iyapon nonka uya isenupasa' kuru iuti aminin ye' pe, miripan po taron kon aminin nan uya amito' pe. E'tane nin si ti ti'tui' kuru to' uya amito' pe iyesi taminu kon.

<sup>11</sup> Apune para inu' uya ri taron ni iyapon nonka poken para iyesi inonkasa' na'ne' Sises Kurai, enta'.

<sup>12</sup> Inu' uya ri ami pe iyesi yau, seri iyapon po, koru ke ri, sirupa ke ri, epe'kena' ton ni ti' amu' ke, yui ke, iyaiputasa' wana' ke,

<sup>13</sup> itarawasooi ru'pu usenpoika miri, miri pe iyesi tukai', apune para Iweyu uya inepu miri a'kwa ya'. Apo' uya enpoika miri, miri awonsi'ki apo' uya i'tu miri waku pe to' tarawasooi ru'pu esi ento' pe.

<sup>14</sup> Inami'pu ma'tanuku apo' uya para iyesi yau, tepe'pu eporo iya.

<sup>15</sup> Iyepo'tisa' pe iyesi yau, ima'tasa' ri nin si miri, kuri ri ri nin epika'ti ri, e'tane iyainansa' pe ri nin apo' awiri.

<sup>16</sup> I'tu auya'nokon para pe' nai, imiri'nokon ni esi Papa iwu' pe, miripan Papa A'kwaru uko'mamu ayau'nokon?

<sup>17</sup> Inu' uya ri Papa iwu' ma'tanusa' pe iyesi yau, Papa uya ri ima'tanuku miri, Papa iwu' miri waku, imiri'nokon si kamoro miri iuti.

<sup>18</sup> Iiwano' kon pe ri kisennakatuu. Itonpa kon ni usenuminka pe iyesi yau, ta'kwaru ke tesi tukai', seri a'taino kon eseru yau, tiwi iya'kwaru para nenai, ta'kwaru ke tenato' pe.

<sup>19</sup> Apune para seri non pon kon pu'ketu esi iya'kwaru para ri Papa enu yau. Iye'menukasa'

na'ne' kasa: “Pu'kena' pe te'san a'si iya i'tunin pe to' e'ku'to' wini,”\* tasa' iya,

<sup>20</sup> miri awonsi'ki kanan, “Itepuru uya i'tu ta'kwarukena' nan usenuminkato' esi imaku'pi pe ri,” ta.†

<sup>21</sup> Miri pi' si, katapuritau ka'pon amu' pi! Tanporon ni esi iiwano' kon pe,

<sup>22</sup> Paarɔ, miri pe para A'poros, miri pe para Ke'pas,‡ miri pe para seri non, miri pe para uko'man nito', miri pe para uma'tan nito', miri pe para seri paro', miri pe para seri entawon esi tanporo iiwano' kon pe,

<sup>23</sup> imiri'nokon si Kurai iwano' pe, Kurai kanan Papa iwano' pe.

## 4

### *Kurai Ekareei Ekamai' Enno'sa' Kon*

<sup>1</sup> Miri pi', ka'pon amu' uya i'tuto' pe iyesi ina esi Kurai poitorɔ ton pe, kamoro ama'aino Papa iwano' pe te'sen esanon pe.

<sup>2</sup> Esa'sa' pe iyesi kamoro itena' inonkasa' pe na'ne' nan e'to' pe iyesi tausaurokɔpɔ kon iyawiron kon pe.

<sup>3</sup> E'namato' para man uyeseru aimenka auya'nokon yau, miri pe para ka'pon amu' uya ri ko'tu yau ukupɔ yau; i'napai ri uiwano' pe ri uyeseru aimenka uya para iyesi.

<sup>4</sup> Uyewan ni man wakɔ pe, e'tane miri uya iri ku'nin nu'pɔ pe para ukupɔ para iyesi. Itepuru kuru kuri ri uyeseru aimenkanin.

---

\* **3:19** Isopu 5:13 † **3:20** Eren 94:11 ‡ **3:22** *Ke'pas* (Arami' maimu yau), miri pe para *Pi'ta* (Kiri' maimu yau), asa'ri ri mari esi ti' ta e'kwa pe.

<sup>5</sup> Miri pe iyese pi', i'ri ri eseru kasaimenkatuu iweyu rawiri ri; apune ri e'ti' Itepuru uyepu pona ri. Onansa' pe ri ewarupi yau te'sen enpoikanin a'kwa ya', miri awonsi'ki ka'pon amu' ewan yawon ni enpoika iya. Miri a'tai, tukaisari'nokon tapuripi'to' kon eporo to' uya Papa wini.

<sup>6</sup> Utonpa ton, seri ton ku'sa' uya ina pi', uri miri awonsi'ki A'poros, iwano' kon pe, iusenupa kon pa ina wini, i'ri ta e'kwa pe se tawon esi, "Imenukasa' na'ne' enta' kitituu," tawon. Miri a'tai, tikin nan apuri auya'nokon namai' isakon entai.

<sup>7</sup> Inu' uya ikonekasa' kon taron ni pe, taron kon kasa para? I'ri nai moro ipiyau'nokon ineporo'pu kon pen? Miri awonsi'ki si, eposa' auya'nokon pe si iyese yau, i'ri pi' ken si autapuri kon eponin nu'san pen kasa?

<sup>8</sup> Epoka'sa' auya'nokon ni sa'ne tanporo i'se iwe'to' kon ta auya'nokon! Tanporon esa' pe ri iyenaka'sa' kon ta auya'nokon! Kin pe ri iyenapi'ka'sa' kon ina a'kiri para ri ta auya'nokon! Kin pe kuru ri iyenapi'sa' kon i'se e'ai', ipokon pe ina e'to' pe kin pe!

<sup>9</sup> Upona ri nin iyese Papa uya ina itekare ekamai' enno'sa' kon tusa' tensan pe tautisan a'mu yawon kon kasa, ka'pon amu' iyeri'to' pe eno'masa' kon kasa Roman amu' usennakato' pata'se' ya'. Mi yawiron kon ni, inseru amu' ri ka'pon amu' ri nenpituu pe ina ku'sa'.

<sup>10</sup> Iya'kwaru punon kon pe ina esi Kurai iwano' pe, e'tane si imiri'nokon esi pu'kena' pe Kurai awiri. I'si'mura ina esi, e'tane imiri'nokon esi pana'

pe! Tūnamasan pe iwesi kon, ina esi tūnamasan pe pūra!

<sup>11</sup> Serī iweyu pū'kū pona rī ina esi iwan pe miri awonsi'ki tuna'kiri' ke, ipooi'pī rī esi ina pon pe, tūwipi'san pe rī ina esi, ipata pūra rī ina esi.

<sup>12</sup> Sa'man pe kuru rī sa'ne temiyatū kon ke ina e'turawasoma. Ina pa'nūkū a'tai, ina uya tūpa'nū'nin kon pūrema; ina kota'ma a'tai iwenai pūra, ina uya rī imoronka;

<sup>13</sup> ina pī' iri pe usauro'ni a'tai, ina uya eikū i'si'mān yai. Serī pū'kū pona rī ina esi non neno'ma'pū pe rī, pata e'to' i'se pe pūra rī.

<sup>14</sup> Ipiyi'nū'nin kon pe serī menuka uya pen, e'tane apanama uya 'nokon, umunki pe iwesi kon pī'.

<sup>15</sup> 10,000 kaisari rī iyesanon kon e'tane Kūrai poro, tu'ke pūra ikūipūnū kon amū' esi, Kūrai poro ikūipūnū kon pe enasa' wakū itekare poro.

<sup>16</sup> Miri pe iyesi pī', iyekama'po uya 'nokon kuru unku'pūnū kupū kon pa.

<sup>17</sup> Miri wenai Temu'ti ennoko uya serī ipiya'nokon, umu uni'nūnkanū, usauro'nisa' awiron Itepuru yau. Iyemiya'ponti iya 'nokon miri uko'manto' Sises Kūrai yau eseru pī', enupan nito' uya poron ni mi awiri rī so'si kaisa rī.

<sup>18</sup> Mi pe te'ku'san pe itonpa kon amū' enasa' man, ipiya'nokon utito' oton pe pūra tekamai'.

<sup>19</sup> E'tane utito' oton miri ipiya'nokon serī pe'ne kuru rī, ewai' pe Papa esi yau; miri si i'tu uya miri pūsamoro mi pe te'ku'san usauro'to' riken pen, e'tane i'ri esi to' pana'pano pe tukai' rī.

20 Apune p̄ra Papa e'to' esa' wann̄i pe esi us-auro'ni pe riken pen, e'tane ipana'pano.

21 Nai rupi i'se me'at̄au? Ikota'mai'nokon pe' uti i'se me'at̄au imiri'nokon tari'po'pi'se, miri pe p̄ra usi'n̄nkan pe, i'si'm̄an yaino pe kati iya'kwar̄u?

## 5

### *Tekumasen Tonpa Enpa'kati'!*

1 Isetasa' man ekuman esi i'koro'tau'nokon tukai', iri kuru ri sa'ne Papa i'tunin nan pen koro'tau te'ku'sen pen ni: ka'pon esi tak̄aip̄an̄u no'p̄u t̄usan̄u'tinin ya' ri.

2 Miri pi' si mi pe iye'kup̄u kon! Iupokoitato' kon ipi' poken p̄ra pe' nai k̄ari ri pe' ka'pon seri ku'nin n̄u'p̄u enpa'ka auya'nokon poken p̄ra nai i'koro'tapai'nokon?

3 Ipun pe ipiyau'nokon e'tane p̄ra ri, iya'kwar̄u pe esi ipiyau'nokon. K̄ari ri ka'pon miri ku'nin n̄u'p̄u pona eseru aimenkato' nonkasa' uya miri, miri yau esi kasa ri.

4 Ayam̄arasa' kon a'tai uyepuru kon Sises ese' yau, uri ipiyau'nokon iya'kwar̄u yau, miri awonsi'ki uyepuru kon Sises meruntir̄u esi miri yau,

5 p̄use ri ka'pon it̄ati' Se'tan\* ena' ipun uma'tato' pe, iya'kwar̄u epika'tito' pe Itepuru weyu a'tai.

6 Matapuriyat̄ai'ne' esi wak̄u pe p̄ra. I'tu auya'nokon p̄ra pe' iyese aiko ri a'sarutan̄u'nin e'turawasoma tanporo ri p̄arowa ki'masa' awiri?

---

5:1 Isu'taronomi 22:30      \* 5:5 *Se'tan*—Makoi ese' isakon, *Papa eseru ewaruma'tinin* ta e'kwa pe.      5:6 Kare'siya 5:9

7 Penaro' ru'pu a'sarutanu'nin eno'mati', emenna' iki'masa' purowa pe iwesi kon pa a'sarutanu'nin a'kiri para—me'atui'ne' pe kuru nin si, apune para Karai, uri'nokon iwano' To' Epoi Iti'pu† iwano' karimeru mare, e'wisa' pi'.

8 Miri pe iyese pi', To' Epoi Iti'pu Weyu Ru'pu ku'pai'nokon, penaro' a'sarutanu'nin ke pen, iri isi pe e'paina, iri iteseru pe e'paina a'sarutanu'nin pen, e'tane pu'reti a'sarutanu'nin a'kiron pen ke, pu'reti enku'tinin pen, e'tane i'napairon ke.

9 Imenukasa' uya 'nokon unennokonu ukaretaai yau tekumasan ka'pon amu' pokon pe iwesi kon namai'.

10 Seri non pon kon ka'pon amu' pi' ta uya pen, tatonpa kon no'pu pokon kon, mentaino kon, tenakai' ka'pon rapumanin nan, miri pe para ika'sa' pi' tuwipumasan. Miri pe iyese yau, seri non nimi auya'nokon miri.

11 E'tane imenuka uya 'nokon, itonpa kon pe te'ku'sen inu'ri, tekumasan miri pe para mentaino, ika'sa' pi' tuwipumasan, miri pe para tatonpa pi' tusauro'sen, te'taripasen, miri pe para itepe'pu pen ni esa'nin, pokon pe ke'tuu. Puse ri rupi pokon pe ri kenta'natuu.

12 Uturawasooi pe pe' iyese so'si tawon kon pen eseru aimenkato' pe uya? Kamoro pe' so'si tawon kon eseru aimenkato' auya pe para iyese?

13 Papa uya kamoro so'si tawon kon pen eseru aimenka miri. "Iri ka'pon enpa'kati' i'koro'tapai'nokon,"‡ tasa'.

† 5:7 To' Epoi Iti'pu; miri pe para, Pa'sopa - apune Isu'taronomi 16:1-8 enki. 5:7 E'sotas 12:5 ‡ 5:13 Isu'taronomi 13:5; 17:7; 19:19; 21:21; 22:21, 24; 24:7

## 6

*Mi Airon Kon Uya Apurinin Nan Eseru Aimenka Namai'no*

<sup>1</sup> Isipi' iwe'to' kon esi yau isitonpa pe, anapai kuru pe' iwesi kon Papa uya tasa' pen awiri te'sen piya' to' uya iteseru aimenkato' pe waku ton piya' ru'ku tase para?

<sup>2</sup> I'tu auya'nokon para pe' iyese Papa munki amu' uya non eseru aimenkato' oton tukai'? Non eseru si aimenkanin pe iwesi kon yau, miri mare'pa ri ken pe' si eseru aimenka auya'nokon poken para iyese?

<sup>3</sup> I'tu auya'nokon para pe' iyese uri'nokon uya inseru amu' eseru aimenkato' oton? Miri entai ri sa'ne seri po uko'man nito' yau eseru aimenka miri ko!

<sup>4</sup> Miri pe iyese pi', isipi' iwe'to' kon esi yau seri rupi ton pi', inepoti' si so'si tawon kon eseru aimenka ton kon, tnamasan ye' ton para ri to' e'tane!\*

<sup>5</sup> Seri ta uya ipiyi'nu'nin kon pe ri. Inu' para kuru ri pe' iyese i'koro'tau'nokon emiya'pokena' eseru aimenkanin isipi' iwe'to' kon pi' apurinin pe esii'ma?

<sup>6</sup> E'tane ru'ku, taron ni uya tatonpa ari ko'tu ta', apurinin nan pen ni rakhi'!

<sup>7</sup> Inapai ri itonpa kon pokon pe ko'tu tau iwe'to' kon uya ekama, ineporonu kon eposa' auya'nokon

---

\* **6:4** *inepoti' si so'si tawon kon eseru aimenka ton kon, tnamasan ye' ton para ri to' e'tane; miri pe para, i'ri pe iyese pi' ka'pon amu' so'si yawon kon pen ni itau te'san pen ni uya ikonekato' pe ikupu auya'nokon?*

pura iyesi. Tiwi ipoken pura iku'to' kon ananti'.  
Tiwi tennakai' to' arapumatuu.

<sup>8</sup> E'tane ru'ku, imiri'nokon pe ri tausennakai' isitonpa pe esii'ma i'senta' iye'rapuma kon, isitonpa pe ri esii'ma i'senta' ipoken pura iwesi kon, itonpa kon pokon pe kuru ri.

<sup>9</sup> Itu auya'nokon pura pe iyesi iri ton uya Papa e'to' esa' wanni pe eporo pura iye'to' oton? Kisenku'tituu: Tekumasan, miri pe pura Papa tato' ipi' pe ika'sa' pi' tuwipuremasan, iyemari'masa' pe esii'ma tekumasan, warawoti'si amu', warawo' ku'nin nan tutaan'pu kon pe, tuwaraino kon ni ku'nin nan tano'pu kon pe,

<sup>10</sup> ama' amu' ri, mentaino kon ni, te'taripasan ni, iri pe tutonpa kon pa'nu'nin nan, tutonpa kon a'kwarukanin nan itimamin pi', uya Papa e'to' esa' wanni pe eporo pura iye'to' oton.

<sup>11</sup> Miri ye' pe itonpa kon amu' esi'pu. E'tane si ikorukasa' kon, waku pe ikonekasa' kon Papa iwano' pe, Papa pokon pe iyekonekasa' pe ipokena' pe, Itepuru Sises Kurai ese' yau, Papa, itese' pi' e'nito' Akwaru ke.

### *Ekuman Uya Iri Pe Ku'ni*

<sup>12</sup> “Tanporon ni ku'to' uya pe iyesi,” ta ri—e'tane si tanporon esi pen pika'tinin pe. “Tanporon ni ku'to' uya pe iyesi,” ta ri—e'tane tanporon ni e'to' pe pura iyesi uyepuru pe.

<sup>13</sup> “Kiyari esi ewan wanni iwano' pe miri awonsi'ki ewan wanni esi kiyari iwano' pe,” ta ri—e'tane Papa uya asa'ri ri mari ima'tanu'to' oton. Pun e'to' pe pura iyesi niki' pe e'ni iwano' pe, e'tane



Itepuru iwano' pe, Itepuru kanan si pun iwano' pe.

14 Tɔpana'pano ke Papa uya Itepuru i'mɔ'sa'ka'pɔ iyeri'sa' apai, miripan uya ri mari ui'mɔ'sa'kato' oton kon.

15 I'tu auya'nokon pɔra pe' nai ipun kon esi Kɔrai pɔ'kɔ pe'ne? Kɔrai pɔ'kɔ pe ri'ken pe' te'sen tɔrɔ uya tɔtɔrawasooi pe ekuman ku'nin uri'san pɔ'kɔ pe iye'to' pe? Iku'pɔ uya pen!

16 I'tu auya'nokon pɔra pe' iyesi kɔri tekumasen pɔ'kɔ pe iye'tasa' rɔ'pɔ esi tikin ni ipokon pe? Tasa' iya esi, "Asa'ri te'san ena tikin ni ipun,"† tasa'.

17 E'tane kɔri Itepuru pɔ'kɔ pe iyenasa' esi miri tikin ni ipokon pe iya'kwarɔ yau.

18 Ainɔnti' ekuman nito' apai. Tanporo tɔron ni ton makoi amɔ' ka'pon nɔkupɔnɔ ton esi ipun yau pɔra, e'tane kɔri tekumai' imakoitasa' na'ne' umakoitasa' miri tɔpun tɔma'tanɔ'se.

19 I'tu auya'nokon pɔra pe' nai ipun kon esi Wakɔ A'kwarɔ iwɔ' pe, ayau'nokon na'ne', ineporo'pɔ kon Papa winipai? Iiwano' kon pen ni imiri'nokon;

20 te'mai' ennasa' rɔ'pɔ ton imiri'nokon; miri pe iyesi pi', Papa inamati' ipun kon ke.

## 7

### *Emari'man Nito'*

1 Seri si inmenuka'pɔ rɔ'pɔ kon pikiron: Temari'mai' pɔra ka'pon esi, esi wakɔ pe ri.\*

---

† 6:16 Iseneses 2:24    6:19 1 Koren 3:16; 2 Koren 6:16    \* 7:1  
*Temari'mai' pɔra ka'pon esi, esi wakɔ pe ri; miri pe pɔra, Wakɔ pe ri  
 iyesi uri'san ta'pi'pi'se pɔra warawo' esi, esi wakɔ pe ri.*

<sup>2</sup> E'tane eke pe ri niki esi pi', tupo'i ri ka'pon e'to' pe iyesei tano'pu ke, uri'san niri tutaan'pu ke tupo'iri ri.

<sup>3</sup> Itaan'pu pe e'ni eseru ku'to' itaan'pu uya pe iyesei tano'pu pi', ino'pu niri tutaan'pu pi' miri kasa ri.

<sup>4</sup> Ino'pu pun esi itiwano' pe riken pen, e'tane itaan'pu iwano' pe ri mari iyesei. Miri kasa ri mari, itaan'pu pun esi pen miri itiwano' pe riken pen e'tane ino'pu iwano' pe ri mari iyesei.

<sup>5</sup> Te'nurunpai' para e'ti', iye'ku'sa' kon a'tai ri nin aka'ne' pe ri iwesi kon, iwipurema kon pari nin iye'ku'sa' kon pi' riken. Miri awonsi'ki riken kanan iwesi si kon, Se'tan† uya i'tupi'nito' ya' itaru kon namai' iiwano' kon pe iuse'se'ti kon para iwesi kon pi'.

<sup>6</sup> Seri ta uya ri nin, takapu uya kuru pen ni iku'to' pe.

<sup>7</sup> Tanporo warawo' amu' esi i'se e'ai' uri kasa. E'tane kaisa ri'ne Papa uya uyemeporu kon ke repapi' nisa', taron ni esi se esa' pe, taron ni mi esa' pe.

<sup>8</sup> Seri si iyemari'masa' kon pen miri awonsi'ki itaan'pu iyeri'sa' kon pi' ta uya: Temari'mai' para to' esi a'tai, to' esi waku pe ri, uri na'ne' kasa.

<sup>9</sup> E'tane si to' use'se'ti para iyesei yau, to' emari'mato' pe ri iyesei tukiritu kon entai i'se te'to' kon wenai.

<sup>10</sup> Iyemari'masa' kon pi' se ta uya (uri pen e'tane Itepuru uya ta): Ino'pu kuse'nonkanin tutaan'pu piyapai.

---

† **7:5** *Se'tan*—Makoi ese' isakon, *Papa eseru ewaruma'tinin* ta e'kwa pe.

11 E'tane ikup<sub>u</sub> iya pe iyesi yau, iyenkurunto' pe iyesi temari'mai' p<sub>u</sub>ra, miri pe p<sub>u</sub>ra tutaan'p<sub>u</sub> pona ri iyenna'pokap<sub>u</sub>. Miri awonsi'ki itaan'p<sub>u</sub> tano'p<sub>u</sub> nonkanin.

12 T<sub>u</sub>ron kon pi' se ta uya (uri, Itepuru pen nin si): Tonpa esi yau Sises apurinin pe p<sub>u</sub>ra ino'p<sub>u</sub>, miripan esi ipiyau ri iko'manpai, k<sub>u</sub>'nonkanin.

13 Miri awonsi'ki uri'san esi yau Sises apurinin pe p<sub>u</sub>ra itaan'p<sub>u</sub>, miripan esi ipiyau ri iko'manpai, k<sub>u</sub>'nonkanin.

14 Ap<sub>u</sub>ne p<sub>u</sub>ra Sises apurinin pen itaan'p<sub>u</sub> ekonekasa' miri wak<sub>u</sub> pe tano'p<sub>u</sub> awiri, miri awonsi'ki Sises apurinin pen ino'p<sub>u</sub> ekonekasa' miri wak<sub>u</sub> pe Sises apurinin tutaan'p<sub>u</sub> awiri. Miri p<sub>u</sub>ra iyesi yau, imunki kon nin esi miri iri pe, e'tane si na'ne' kasa, wak<sub>u</sub> pe to' esi.

15 E'tane Sises apurinin pen e'nonka yau, tiwi ri nukupai. Sises apurinin warawo' miri awonsi'ki uri'san uta'sito' p<sub>u</sub>ra ri iyesi miri rupi yau; Papa uya ki'man nisa' t<sub>u</sub>usewankamai' p<sub>u</sub>ra uko'man nito' pe.

16 Nai kasa i'tu auya, no'p<sub>u</sub>, ataan'p<sub>u</sub> pika'ti auya ri pe' tukai'? Miri pe p<sub>u</sub>ra, taan'p<sub>u</sub>, ino'p<sub>u</sub> pika'ti auya ri pe' tukai'?

17 Miri ri e'tane, akaisari'nokon iko'manti' Itepuru uya iku'sa' kon na'ne' yau ri, miri awonsi'ki Papa uya iki'masa' kon na'ne' ipona. Seri, seri iyawiri e'nito' main unnonkan<sub>u</sub> so'si ton kaisa ri.

18 Ka'pon, yun pi'pi pe' putur<sub>u</sub>kasa' esi'p<sub>u</sub> iki'ma a'tai? Itun pi'pi putur<sub>u</sub>kasa' pe p<sub>u</sub>ra k<sub>u</sub>senanin.

Ka'pon pe' esi'pɥ itun pi'pi puturɥkasa' pe pɥra iki'ma a'tai? Itun pi'pi puturɥka kɥse'nin.

19 I'ri pan pen ni miri un pi'pi puturɥka miri awonsi'ki, i'ri pan pen ni miri un pi'pi puturɥka pɥra iyese. Papa Maimu awiri nin e'ni esi miri i'ri pe kuru nin iyese.

20 E'ni na'ne' kaisa ri e'nito' pe iyese e'ni'pɥ yau ki'man a'tai.

21 Poitorɥ pe pe' me'tai iki'ma a'tai? Miri ri ayanpokɥmanin, inonkato' pe ri iyese pe iyese yau, miri ri iku'ki.

22 Apɥne pɥra kɥri poitorɥ pe iye'sa' Itepuru uya iki'ma a'tai esi miri Itepuru nɥmo'ka'pɥ pe; miri kasa ri mari, kɥri inɥ' enau pɥra iye'tane iki'masa' rɥ'pɥ esi miri Kɥrai poitorɥ pe.

23 Te'mai' ennasa' rɥ'pɥ ton imiri'nokon; ka'pon amɥ' poitorɥ pe kenatɥu.

24 Utonpa ton, Papa iwano' pe iwesi kon pi', isi'kaisa ri iki'ma'pɥ kon ya' ri si e'ti' Papa uya iki'ma kon a'tai iwesi'pɥ kon yau ri.

25 Seri si a'pi'pɥnon kon pona kan: I'ri tawon main pɥra ri nin man Itepuru winon, e'tane uri pe ri nin aimenka uya Itepuru isentu'kena' wini ri nin tapurisen ye' pe esi pi'.

26 Seri pe ri nin sa'man yau ri e'ni pi', me'atɥi'ne' kasa ri nin iwesi kon i'se esi tukai' ri nin usenu-minka.

27 Iyemari'masa' pe pe' me'an? Iye'nonkato' kɥ'warinpai. Iyemari'masa' pe pɥra pe' me'an? Ino'pɥ oton kɥ'warinpai.

28 E'tane iyemari'ma pe iyese yau, aumakoitasa' pen ni miri; miri awonsi'ki a'pi'pɥn emari'masa' pe iyese yau, imakoitasa' pen ni miri. E'tane kamoro

iyemari'masa' kon uya eke ri anpokumanin eporo seri uko'man nito' yau, miri yapai nin ipika'ti i'se 'nokon esi miri.

<sup>29</sup> Se ta uya e'kwa pe sa'ne iyese, utonpa ton, to'ken pata weyu esi. Seri awonsi'ki kamoro tano'pu ke na'ne' nan uko'manto' pe iyese ino'pu pun kasa;

<sup>30</sup> kamoro tauta'kwarakai' tukaransan, tukaransan pen kasa ri, pori' pe na'ne' nan pori' pen kasa, kamoro iri ri ennanin nu'san to' enawon pe para iyese kasa;

<sup>31</sup> kamoro seri non pon apuri pi' te'san, ipi' kuru tuko'mansen ye' pen kasa. Apune para seri non seri pe na'ne' esi ri utin pi'.

<sup>32</sup> Tusewankamai' para iwesi kon i'se esi. Iyemari'masa' pen usewankama Itepuru tarawasooi pi', Itepuru pori'manin pe te'sen ku'to' tauya pi'.

<sup>33</sup> E'tane iyemari'masa' usewankama seri non tarawasooi pi', tano'pu pori'manin pe te'sen ku'to' tauya pi'.

<sup>34</sup> Inku'pai nin si iye'to' e'ta'nu'sa' ri. Iyemari'masa' pen uri'san miri pe para a'pi'pun uri'san usewankama Itepuru tarawasooi pi': Iye'ku'to' esi iye'tusa' pe kuru te'to' pe Itepuru ena' asa'ri ri mari tapun yau miri awonsi'ki ta'kwaru yau. E'tane si iyemari'masa' uri'san usewankama seri non tarawasooi pi', pori' pe tataan'pu ku'to' tauya pi'.

<sup>35</sup> Seri ta uya waku pe iwesi kon pa, kemari'matuu kuru ta uya pen ni. Iuko'mamu kon i'se esi iye'to' awiri Itepuru iwano' pe iye'tusa' kon apai te'ta'nu'se para.

<sup>36</sup> Inu' ri usenuminka pe iyesei yau waku pe pua ri a'pi'pua uri'san imari'mato' pe tauya tankupa'pua pi', miripan uno'somanka'pua yau miripan mari'makapa ta tauya yau, tiwi nakupai i'se te'to' pe. Imakoita pen ni miri. Tiwi to' nemari'mai.

<sup>37</sup> E'tane kuri ri ka'pon tewan yau teseru esa' pe tekonekai', inu' uya ta'kwarukai' pua e'tane tiwano' pe ri teseru tukonekai', miripan uya tewan konekasa' imari'mato' pe pua tauya—pua ri uya ri mari waku ku'sa' miri.

<sup>38</sup> Miri pi' si, kuri a'pi'pua uri'san mari'manin uya waku ku'sa', e'tane kuri imari'manin pen uya miri entai waku ku'sa'.‡

<sup>39</sup> Uri'san uta'sisa' miri tutaan'pua pi' iko'mama pua'ku pona ri. E'tane itaan'pua eri'sa' a'tai, i'se te'to' ri mari'manin pe iyesei miri, e'tane Itepuru iwano' pe kuru, riken te'sen.

<sup>40</sup> Uri uya aimenkato' yau, pori' pe pari iyesei miri na'ne' kasa ri iyesei yau, miripan Papa A'kwarua esa' pe ri esi tukai' si'tuyai'.

## 8

### *O' Use'man Ni'pua Ike Ika'sa' Ena'*

---

‡ **7:38** Miri pe pua, <sup>36</sup> Inu' ri kuri waku pe pua tensi kupua tauya tukai' tausenuminkasen, miripan uya ri whipiya epopitu, miripan esi iyemari'mato' pe i'se, tiwi si i'se ri te'to' kupai. Iyemakoima pen ni miri. Tiwi iyemari'mato' pe nakupai. <sup>37</sup> E'tane kuri ka'pon teseru konekanin tewan yau, inu' uya ri ta'kwarukai' pua ri e'tane tiwano' pe ri tekonekai' teseru esa' pe, miripan uya teseru koneka'pua a'pi'pua mari'mato' pe tauya pua ri—pua ri ka'pon uya iye'to' ri kupua. <sup>38</sup> Miri kasa si kuri a'pi'pua uri'san mari'manin uya waku ku'sa', e'tane kuri imari'manin pen uya miri entai waku ku'sa'.

<sup>1</sup> Serì si o' papa tato' ipi' pe ika'sa' ena' use'man ni'pua ike pi' te'sen: I'tu'nokon tanporo i'tunin pe e'nito' esa' pe e'ni'nokon.\* I'tunin pe e'nito' uya a'sarutanu'ni e'tane usi'nunkan nito' uya ka'ni.

<sup>2</sup> Ka'pon i'tunin pe ne'ku'ai'ne' uya tani'tunua ye' pan i'tu para ri mari iyese.

<sup>3</sup> E'tane kari ka'pon Papa i'nunka pi' na'ne' i'tu Papa uya.

<sup>4</sup> Miri pi' si, o' pi' si enta'nan papa tato' ipi' pe ika'sa' ena' use'man nisa' ru'pu: I'tu'nokon non po papa tato' pe ika'sa' esi para kuru ri iyese, miri awonsi'ki taron ni papa tato' ipi' para iyese, kari ri riken tikin nan ni.

<sup>5</sup> I'ri pe para papa tato' ton ipi' e'tane, Epan po miri pe para non po (to' na'ne' ri tu'ke ri “papa amua”) miri awonsi'ki tu'ke ri “itepuru ton”),

<sup>6</sup> e'tane nin si upona'nokon tikin ni ri Papa esi, Ikuipunua, tanporon ni uye'sa' na'ne' iwini miri awonsi'ki uko'man ni'nokon na'ne' itiwano' pe; miri awonsi'ki tikin nan ni kanan Itepuru Sises Kurai, tanporon ni uye'sa' na'ne' iporo miri awonsi'ki uko'man ni'nokon na'ne' iporo.

<sup>7</sup> E'tane tanporon kon uya serì i'tu pen. Taron kon kuru ri enupansa' papa tato' ipi' pe ika'sa' pi' serì warai si o' pi' to' enta'nasa' a'tai, papa tato' pe ipi' ika'sa' ena' use'man ni'pua ike pe iyese tukai' to' usenuminka, i'si'mura to' ewan esi ke ima'ta.

<sup>8</sup> E'tane kiyari uya a'ko pe Papa piya' ne'ni pen; uma'tan para iyese enta'nan nisa' para iyese yau, waku pe e'ni para ri iyese enta'nan nisa' yau.

---

\* **8:1** *I'tu'nokon tanporo i'tunin pe e'nito' esa' pe e'ni'nokon; miri pe para, “Tanporo ri i'tuto' esa' pe e'ni'nokon,” makayai'ne' kasa.*

<sup>9</sup> E'tane riken, ti'tui' e'ti', se kasa ri iwe'to' kon i'si'mura te'san eno'manin pe kuse'nin.

<sup>10</sup> Apune para i'si'mura te'sen itewan uya imiri i'tunin pe e'nito' esa' enta'na papa tato' pe ipi' ika'sa' ena' use'man nito' ipuremato' iwu' tau ene yau, iyepori'ma pen pe' mi, papa tato' pe ipi' ika'sa' ena' use'man ni'pu' ani pi'?

<sup>11</sup> Miri si, puse ri si i'si'mun tonpa, Kurai uma'ta'pu' itiwano' pe ru'pu' si uma'ta, i'tunin pe iwe'to' wini.

<sup>12</sup> Seri kasa aumakoitasa' pe iyesi a'tai itonpa ton pi' i'si'mun to' ewan tuma'tanu'se, aumakoitasa' pe iyesi miri Kurai pi'.

<sup>13</sup> Miri pe iyesi pi', enta'nasa' na'ne' uya utonpa eno'masa' pe iyesi yau makoi ya', o' pi' enta'nato' oton pari pen kanan, ita'mo'kato' emapu'ti uya namai'.

## 9

### *Itekare Ekamase'na Enno'sa' Iwano' E' Kuru*

<sup>1</sup> Inu' enawon pen ni pen pe' uri? Itekare ekamase'na enno'sa' pen pe' uri? Sises pe' Uyepuru kon ennin nu'pu' pen uri? Imiri'nokon pen pe' kamoro Itepuru yau e'turawasomasa' otori'san?

<sup>2</sup> Itekare ekamai' enno'sa' pe para ri e'tane taron kon pona, ipona'nokon nin esi seri. Apune para imiri'nokon esi uya'si'sa' ike pe uri itekare ekamai' enno'sa' Itepuru yau.

<sup>3</sup> Seri seri uwapu kamoro uyeseru aimenkato' yau iyereutasa' kon na'ne' namai'no.

<sup>4</sup> Ina iwano' kuru pen ni pen pe' miri kiyari miri awonsi'ki ina yuku?



5 Ina eseru pen ni pen pe' miri itekare apurinin tano'pua kon ari tuya'kiri'nokon, taron kon itekare ekamase'na enno'sa' kon, miri awonsi'ki Itepuru akon non miri awonsi'ki Ke'pas\* kasa?

6 Uri, miri awonsi'ki Panapas riken kati kamoro te'tarawasomasan pe te'san tauko'manto' kon iwano' pi'?

7 Inu' esi tiwano' pe tauko'mansen soisa pe esii'ma? Inu' kure' e' patamanin iteperu napui'ma para? Inu' imanatu e'ku tensisan tikun non esa' to' manatu e'ku ensii'ma para?

8 Ka'pon, Papa pun e'to' kasa na'ki ukayai'? Miri ri mari pe' ta Main uya para nai?

9 Main, Mosi namenuka'pua uya ta: "Paka mata kusenu'tii a'nai' puro'poro i'kwa pi' itipi'tane,"† ta iya. Paka pi' riken pe' Papa usewankama?

10 Uri'nokon pi' sa'ne ta iya seri ko, pen pe'? Ewai', seri e'menukasa' uiwano' kon pe, apune para non anunnin uya anumu a'tai miri awonsi'ki i'kwanin uya i'kwa, seri kupu to' uya eporo tauya'nokon poken iyaku'pasa' anumu tauya'nokon a'tai.

11 Ina uya si iya'kwaru ye' patama pe iyesi yau i'koro'tau'nokon, eke pe kuru pe' iyesi ina uya non poron iyaku'pasa' anumu pe iyesi yau iwinipai'nokon?

12 Taron kon uya seri tupa'kita'ito' kon kuru eporo pi' iwinipai'nokon, miri entai pari pe' ina uya eporo pen?

---

\* 9:5 *Ke'pas* (Arami' maimu yau), miri pe para *Pi'ta* (Kiri' maimu yau), asa'ri riri mari esi ti'ta e'kwa pe. † 9:9 Isu'taronomi 25:4 9:9 1 Temu'ti 5:18 9:11 Ron 15:27

E'tane seri ina iwano' kuru ri apurisa' ina uya p̄ra man. Miri p̄ra ri, ti'tui' p̄ra ina uya imoronkasa' man oko pe wak̄ K̄rai ekareei uko'mam̄ namai'.

13 I'tu auya'nokon p̄ra pe' nai, kamoro Papa ena' use'man nito', ip̄reman nito' iw̄ tau te't̄rawasomasan uya ti'kiyari kon eporo itapai, miri awonsi'ki kamoro Papa ena' use'man nito' apon po te't̄rawasomasan uya ri eporo it̄sa' tonpa?

14 Miri kasa ri, Itepuru uya tasa' kamoro itekare ekama pi' te'san uya t̄uko'manto' kon ipi' epoto' pe ri iyesei wak̄ itekare wini.

15 E'tane tanporo seri ton ni uiwano' kuru ri apurisa' uya p̄ra iyesei. Seri menuka uya pen miri ton ku'to' pe auya'nokon uiwano' pe tukai' e'kup̄i'ma pen. Eri'to' pe ri iyesei utapurito' mo'ka in̄ uya ri entai.

16 E'tane ri wak̄ itekare ekama uya a'tai, utapuri poken p̄ra iyesei, ap̄ne p̄ra itekare ekamaki tasa' pe iyesei upi'. Isi yau esi wak̄ itekare ekama uya p̄ra iyesei yau!

17 Uiwano' pe ri itekare ekama pi' esi yau, uyep̄e'p̄ ri esi; uiwano' pe p̄ra iyesei yau, uyapiyo'masa' pi' ri nin ekama uya pe iyesei.

18 I'ri ken si esi uyep̄e'p̄ pe? Seri riken: Itekare ekama uya wini it̄ra uya i'n̄am̄ra ri, uiwano' kuru si tapuri' p̄ra itekare ekama uya iwano'.

19 In̄ enawon pen ni uri miri awonsi'ki in̄ iwano' pen ni e'tane, tanporon kon poitor̄ pe

e'kup<sub>u</sub>, tu'kan kon ne'nin pe K<sub>u</sub>rai piya' to' nep<sub>u</sub> uya poken ni te'san.

<sup>20</sup> Esuwer<sub>u</sub> am<sub>u</sub>' pi' Esuwer<sub>u</sub> pe ri ena, Esuwer<sub>u</sub> am<sub>u</sub>' ne'nin pe K<sub>u</sub>rai piya'. Kamoro main o'noro na'ne' nan pona main o'noron kasa ena (main o'noron pe p<sub>u</sub>ra ri e'tane), main o'noron kon ne'nin pe K<sub>u</sub>rai piya'.

<sup>21</sup> Kamoro main esanon pen pona main esa' pen kasa ena (main, Papa winon p<sub>u</sub>ra e'tane p<sub>u</sub>ra ri, e'tane main, K<sub>u</sub>rai winon o'noron pe esi), main p<sub>u</sub>non kon ne'nin pe K<sub>u</sub>rai piya'.

<sup>22</sup> I'si'm<sub>u</sub>non pona i'si'm<sub>u</sub>ra ri ena i'si'm<sub>u</sub>non ne'nin pe K<sub>u</sub>rai piya'. Tanporon pe ri enasa' tanporon kon ni ka'pon am<sub>u</sub>' pona, itonpa pe ri to' pika'tito' pe uya to' pika'tito' uya pokena' eseru wini ri.

<sup>23</sup> Tanporo seri kup<sub>u</sub> uya wak<sub>u</sub> itekare pikiri, wak<sub>u</sub> p<sub>u</sub>reman nito' iya tonpa epoto' pe uya.

<sup>24</sup> I'tu auya'nokon p<sub>u</sub>ra pe' nai teka'tunpi'san a'tai, tanporon kon eka'tum<sub>u</sub> e'tane tikin nan ni uya itepe'p<sub>u</sub> eporo? Eka'tunti' itepe'p<sub>u</sub> eponin ye' pe.

<sup>25</sup> Tanporon kon usi'tun pi' te'ton kon usenupa isi koro'tau. To' uya ikup<sub>u</sub> pata ip<sub>u</sub>r<sub>u</sub> konekasa' aro', k<sub>u</sub>ron pe ri epoto' pe t<sub>u</sub>uya'nokon inke te'sen pen ni; e'tane ikup<sub>u</sub>'nokon seri aro', k<sub>u</sub>ron epoto' kon pe inke ri t<sub>u</sub>uko'mansen.

<sup>26</sup> Miri pe iyesi pi', te'kamai' p<sub>u</sub>ra ri t<sub>u</sub>neporon<sub>u</sub> pi' teka'tunsen ka'pon kasa eka'tum<sub>u</sub> pen; epanta'ma pen ka'pon iya'kwar<sub>u</sub>'p<sub>u</sub> panta'manin kasa.

<sup>27</sup> Kane, upun sa'mantan<sub>u</sub>'sa' uya, upoitor<sub>u</sub> pe iku'sa' uya, t<sub>u</sub>ron kon pi' itekare ekamasa' uya

tupo uneporonu itepe'pu eporo uya para iyesei namai'.

## 10

### *Panaman Nito' Esuweru Amu' Kasa E'ni Namai'*

<sup>1</sup> I'tunin pe para iwesi kon i'se para e'ai', utonpa ton, tanporo utamokori kon amu' esi'pu kapuru' o'no tanporo to' uti'pu parau poro.

<sup>2</sup> Tanporo to' epa'taisima'pu Mosi' pikiron kon pe, kapuru' yau miri awonsi'ki parau kau.

<sup>3</sup> Tanporo to' enta'na'pu miri iya'kwaru kiyari pi' ri.

<sup>4</sup> Miri ri iya'kwaru tensisen ni ensi'pu to' uya; apune para to' uya ri ti' iya'kwaru pe te'sen apai ensi'pu ta'kiri'nokon ni tautisen, miri ti' esi'pu Kurai ri.

<sup>5</sup> Miri ri e'tane, Papa esi'pu pen ni pori' pe tu'kan kon to' tonpa ton pi'; miripan kon ekepu esi'pu mi'tawiri ri rimono' tau.

<sup>6</sup> Seri ton si e'kup'pu ento' ipi' pe, iri ton pi' ri uyewan kon taru namai' to' esi'pu kasa.

<sup>7</sup> Papa tato' ipi' pe ika'sa' pi' tawipuremasan pe ke'tuu, to' tonpa ton esi'pu kasa; iye'menukasa' na'ne' kasa: "Ka'pon amu' ereuta'pu enta'nai', miri awonsi'ki ensii', miripan kon e'mu'sa'kasa' umanumu'pu Papa i'tunin nan pen eseru yau," tawon.\*

<sup>8</sup> Ekumanpai'nokon para, to' tonpa ton esi'pu kasa—miripan kon uma'ta'pu 23,000 kaisa ri tikin nan wai yau.

---

**10:1** E'sotas 13:21-22; 14:22-29    **10:3** E'sotas 16:35    **10:4** E'sotas 17:6; Nonpa 20:11    **10:5** Nonpa 14:29-30    **10:6** Nonpa 11:4

\* **10:7** E'sotas 32:6    **10:8** Nonpa 25:1-18

<sup>9</sup> Itepuru† ti'tupɪ'se e'nɪpai'nokon pɪra, to' tonpa ton esi'pɪ kasa, mirɪpan kon na'ne' e'tɪka'pɪ ikɪ amɪ pi'.

<sup>10</sup> Ke'naipi'tɪu, to' tonpa ton esi'pɪ na'ne' kasa, mirɪpan kon tɪka'pɪ ma'tanɪ'nin inserɪ uya.

<sup>11</sup> Seri ton e'kupɪ'pɪ to' pi' ento' ipi' ton pe, mirɪpan e'menukasa' upanamanin kon pe, uri'nokon penaro' rɪ'pɪ uta'ku'tito' uye'sa' ipona na'ne' ton.

<sup>12</sup> Miri pi' si, pana' pe iye'mɪ'sa'kasa' pe iusi'tu yau, ti'tui' e'ki auta'mo'ka namai'!

<sup>13</sup> Iri ri i'tupɪ'nito' uya iyereutanɪ'sa' kon pɪra man e'tane ri nin ka'pon pi' te'sen ye' ri. Papa esi tɪusaurokɪ'pɪ awiron ni; i'tupɪ'to' e'to' pe imoronka auya entai iku'nin pen. E'tane i'tupɪ'sa' a'tai iyepa'kato' yai ke ri mari irepa iya iyo'no iye'mɪ'sa'ka pa.

### *Itepuru Kokɪɪ Miri Awonsi'ki Iri Ton Kokɪɪ*

<sup>14</sup> Miri pe iyese pi', utonpa ton amɪ rɪ'kwɪ, ainɪnti' papa tato' pe ipi' ika'sa' pi' iwɪpɪremato' kon yapai.

<sup>15</sup> Ta'kwarɪkena' nan ka'pon amɪ auro'ka uya; iɪwano' kon pe usauro'ai'ne' eseru aimenkati'.

<sup>16</sup> Tenki tato' kokɪɪ pen pe' seri, tenki ta'nokon na'ne' ipi' Kɪrai mɪnɪ anɪmɪ pe pen pe'? Pɪreti i'kwitɪ na'ne' pen pe' esi Kɪrai pun anɪmɪ pe pen pe'?

---

† **10:9** Itepuru; tɪron ni ton imenukasa' ton uya Kɪrai ta. **10:9** Nonpa 21:5-6 **10:10** Nonpa 16:41-49 **10:16** Ma'siu 26:26-28; Ma' 14:22-24; Ɔru' 22:19-20

17 Apune p̄ra tikin ni ri itekiino esi pi', uri'nokon tu'kan kon, esi tikin ni ipun, apune p̄ra tikin nan itekiino an̄m̄m̄ pi'.

18 Ka'pon am̄u' Esuwer̄m̄ am̄u' pi' isenuminkati': Kamoro pe' use'man n̄u'p̄m̄ ike pi' tenta'nasan esi pen use'man n̄ito' apon po te'sen Papa pokon pe?

19 Miri ken pe' si papa tato' ipi' pe ika'sa' ena' use'man n̄isa' ru'p̄m̄ esi i'ri pe ri, miri pe p̄ra papa tato' ipi' pe ika'sa' esi i'ri pe ri ta uya e'kwa pe ken pe' si iyesi?

20 Kane, e'tane Papa i'tunin nan pen use'masa' na'ne' ike esi iri ton ena', Papa ena' pen, miri pi' iri ton tonpa pe i'wesi kon i'se p̄ra esi.

21 Itepuru kok̄m̄i yawon ensii'ma, iri ton kok̄m̄ yawon ni n̄iri ensi auya'nokon p̄ra iyesi; asa'ri ri mari Itepuru tep̄m̄m̄i miri awonsi'ki iri ton tep̄m̄m̄i po i'we'to' kon p̄ra iyesi.

22 Papa ri kati ik̄ntato' inku'pai e'ni? Itentai pe' pana' pe e'ni?

### *In̄u' Enawon Pen Apur̄inin*

23 “Tanporon ni esi t̄ku'sen pe”—e'tane tanporon ni esi pen wak̄m̄ pe konekanin pe. “Tanporon ni esi t̄ku'sen pe”—e'tane tanporon esi pen ka'pon ka'nin pe.

24 In̄u' ri wak̄m̄ pe tiwano' pe te'to' eporo i'se k̄use'nin, e'tane wak̄m̄ t̄ron kon iwano'.

25 Ti'tui' p̄ra ri o' ek̄m̄po'pomato' iw̄u' tau tek̄m̄po'pomasen anki tekama'popi'se p̄ra iyewan uya ta pi' ri,

26 apune p̄ra, “Non esi Itepuru iwano' pe, miri awonsi'ki tanporo iyau na'ne',”‡ tasa'.

27 Inu' ri itekare apurinin pen uya iki'ma yau enta'nai' itipai si iwesi, enta'naki si irepasa' iya na'ne' pi' i'ri ri tekama'popi'se p̄ra iyewan uya ta pi' ri.

28 E'tane inu' uya ri ta pe iyesi yau ipi', “Seri seri use'man pe itusa' ru'pu,” ta yau, miri a'tai nin si ipi' iyenta'na pen, asa'ron wenai, ka'pon uya apana'tisa' pi' miri awonsi'ki ewan uya ta pi'S—

29 kari apana'tinin ewan, iyewan ta uya e'kwa pe iyesi pen.

I'ri pe iyesi pi' inu' enau p̄ra e'to' eseru aimenka t̄ron ni ewan uya?

30 Enta'na pe iyesi yau kiyari pi' tenki ta pe, i'ri pe iyesi pi' uyeno'ma tenki ta pe ri Papa pi' enta'nasa' e'tane?

31 Miri pi' iyenta'na pe ri miri pe p̄ra ensi auya ri miri pe p̄ra i'ri ri kupu auya pe iyesi pi', iku'ki eke pe Papa ku'pitu auya pe.

32 E'tane inu' ri e'ku'to' iri pe kusemapu'tii, Es-uweru amu' ri, Kiri' amu' ri, miri pe p̄ra Papa so'sii ri—

33 uri nusi'tuyai'ne' kasa tanporon kon ni pori'ma i'se tanporon yau ri waku pe e'to' eporo i'se esi pen e'tane tu'kan kon ni, to' epika'tito' pe.

## 11

1 Unkup̄n̄n̄ iku'ti': K̄rai n̄n̄kup̄n̄n̄ kupu uya kasa.

‡ 10:26 Eren 24:1 § 10:28 T̄ron ni imenukasa' uya, ewan uya ta pi', apune p̄ra, “Non esi Itepuru iwano' miri awonsi'ki tanporo iyau na'ne',” ta. 11:1 1 Koren 4:16; Piri'pai 3:17

*Papa Apuripit<sub>u</sub> A'tai Ipoken E'nito'*

<sup>2</sup> Kanyapuripi'atui' tanporon yau ri iyenu kon yau ukup<sub>u</sub> auya'nokon pi' miri awonsi'ki auta'sisa' kon pi' ri enupan nito'\* pi', iyena'nokon ini'kwiri'nuk<sub>u</sub> uya kaisa ri.

<sup>3</sup> Ito'ka'nuk<sub>u</sub> auya'nokon i'se e'ai' tanporon kon warawoti'si am<sub>u</sub>' i'pai pe K<sub>u</sub>rai esi, miri awonsi'ki uri'san i'pai pe warawo', miri awonsi'ki K<sub>u</sub>rai i'pai pe, Papa.

<sup>4</sup> Tanporon kon warawoti'si am<sub>u</sub>' t<sub>u</sub>wip<sub>u</sub>remasan miri pe p<sub>u</sub>ra pu'kena' pe t<sub>u</sub>sauro'san ti'pai kon t<sub>u</sub>wontii' uya ti'pai kon nama p<sub>u</sub>ra iyesi miri.

<sup>5</sup> Tanporon kon uri'sami'si am<sub>u</sub>' t<sub>u</sub>wip<sub>u</sub>remasan miri pe p<sub>u</sub>ra pu'kena' pe t<sub>u</sub>sauro'san ti'pai kon t<sub>u</sub>wontii' p<sub>u</sub>ra uya ti'pai kon nama p<sub>u</sub>ra iyesi—i'pai kiriri'kasa' kasa iyesi.

<sup>6</sup> Uri'san uya ti'pai nipontisa' p<sub>u</sub>ra iyesi yau, t<sub>u</sub>nse' ak<sub>u</sub>'to' iya pe iyesi, piyi'n<sub>u</sub>'nin pe iyesi yau uri'san uya t<sub>u</sub>nse' ak<sub>u</sub>'sa' miri pe p<sub>u</sub>ra t<sub>u</sub>nse' kiriri'kasa' yau, ti'pai wontito' iya pe iyesi.

<sup>7</sup> Warawo' uya ti'pai wontito' p<sub>u</sub>ra iyesi,† Papa pe ri eke pe iku'to' pe ri iyesi pi', e'tane uri'san esi warawo' ku'to' eke pe ipi' pe.

\* **11:2** enupan nito'; miri pe p<sub>u</sub>ra, uko'man ni eseru ton. † **11:7** miri pe p<sub>u</sub>ra, <sup>4</sup> Warawo' tip<sub>u</sub>remasen miri pe p<sub>u</sub>ra pu'kena' pe t<sub>u</sub>sauro'sen kusan pe inse' esii'ma uya ti'pai nama p<sub>u</sub>ra iyesi.

<sup>5</sup> Miri awonsi'ki uri'san tip<sub>u</sub>remasen miri pe p<sub>u</sub>ra pu'kena' pe t<sub>u</sub>sauro'sen inse' p<sub>u</sub>ra esii'ma uya ti'pai nama p<sub>u</sub>ra iyesi—k<sub>u</sub>ri ri esi miri "ikiriri'kasa' kon" kasa. <sup>6</sup> Uri'san esi yau inse' p<sub>u</sub>ra, seri pe riken ni tiwi'to'ken inse' nesii, e'tane piyi'n<sub>u</sub>' uri'san i'pai e'kiriri'kasa' esi ke t<sub>u</sub>nse' kanan wa'tan<sub>u</sub>'kato' iya esi. <sup>7</sup> Warawo' e'to' p<sub>u</sub>ra iyesi kusan pe inse'. **11:7** Iseneses 1:26-27



<sup>8</sup> Apune p̄ra warawo' uye'sa' p̄ra iyesi uri'san apai, e'tane uri'san uye'sa' warawo' apai,

<sup>9</sup> warawo' ri e'ka'sa' p̄ra iyesi uri'san iwano' pe, e'tane uri'san e'ka'sa' warawo' iwano' pe.

<sup>10</sup> Miri wenai miri awonsi'ki inseru am̄u' wenai, uri'san uya t̄pana'pano ento' ipi' t̄to' pe iyesi ti'pai pona.

<sup>11</sup> Itepuru yau ri nin si ti, uri'san e'to' p̄ra iyesi warawo' p̄ra, warawo' ri e'to' p̄ra iyesi uri'san p̄ra.

<sup>12</sup> Uri'san uye'sa' na'ne' warawo' apai, miri kasa ri mari warawo' ri mari entusa' uri'san apai. E'tane tanporon ni nin uye'sa' Papa wini.

<sup>13</sup> Iiwano' kon pe aimenkati': Ipoken pe' iyesi uri'san ip̄rema Papa pi' ti'pai t̄n̄iponkai'?

<sup>14</sup> Inaino ton uya ri pe' iyenupa kon p̄ra nai, warawo' esi yau kusan pe inse' piyi'n̄u' ri iyesi,

<sup>15</sup> e'tane uri'san inse' esi yau kusan pe eke pe iku'to' ipikiri pe iyesi? Apune p̄ra kusan pe na'ne' inse' esi in̄ipon pe it̄sa'.

<sup>16</sup> In̄u' ri esi yau e'sei'pi'pai miri pi', t̄ron ni miri rupi unkupēn̄u kon p̄ra ri man, miri pona Papa so'sii ri nukupēn̄u.

### *Itepuru Enta'na'p̄u Ru'p̄u Kup̄u*

<sup>17</sup> Ne'sepoyai'ne' iyenupato' kon yau ayapuripi'to' kon uya p̄ra man, apune p̄ra ayamurapi'to' kon uya isi ri kup̄u, wak̄u kup̄u pe p̄ra ri.

<sup>18</sup> Wapiyaro' pe kuru, eta uya ayamura kon pe iyesi a'tai so'si pe, iye'ta'n̄u'pit̄u kon, miripan ni si sapuriyai' itonpa pe ri.

19 Ikasima poken p̄ra ri t̄pona ri'ne ri si iwe'to' kon pe iyese ento' pe, in̄a' yan kuru esi Papa maimu awiron kon pe tukai'.

20 Ayam̄rasa' kon a'tai, Itepuru enta'na'p̄ra r̄u'p̄ra kup̄ra auya'nokon pen ni,

21 ap̄ra ne p̄ra iyenta'na kon koro'tau, akaisari'nokon iye'sara'ti kon in̄a' enupikiri te'se p̄ra ri. T̄ron ni esi iwan pe, t̄ron ni e'taripa.

22 Itiw̄u' p̄ra pe' iwesi kon iyenta'nato' kon, iuku kon ensito' auya'nokon itau? Papa so'sii ri kati sapema auya'nokon miri awonsi'ki ip̄anon ni piyi'n̄ak̄u auya'nokon? I'ri ken si ta uya ipi'nokon? Seri pi' ri kati ayapuripitu uya 'nokon? Pen ni!

23 Ap̄ra ne p̄ra Itepuru wini uneporo'p̄ra ni'kwiri'n̄ak̄u uya iyena'nokon ni mari: Itepuru Sises uya, teparankato' ewarup̄ra tau, p̄reti an̄m̄u'p̄ra,

24 tenki ta'p̄ra t̄uya a'tai, i'kwitu'p̄ra iya miripan uya ta'p̄ra, "Seri seri upun, iiwano' kon; seri iku'ti' iyenu kon yau ukup̄ra auya'nokon pe," ta'p̄ra iya.

25 Miri kasa ri mari, tenta'na t̄po ko' an̄m̄u'p̄ra iya, "Seri ko' esi emenna' ekonekan nito' um̄an̄u yau; seri iku'ti', ensi auya'nokon a'tai, iyenu kon yau ukup̄ra auya'nokon pe," tai'ma.

26 Ap̄ra ne p̄ra seri p̄reti iku auya'nokon a'tai miri awonsi'ki ko' yawon ensi auya'nokon a'tai, Itepuru uma'ta'p̄ra ekama auya'nokon pe iyese iyep̄ra p̄'k̄u pona.

27 Miri pe iyese pi', in̄a' ri Itepuru yu i'nin miri awonsi'ki ikok̄u'i yawon ensin̄in iyawiri p̄ra

esii'ma umakoita miri Itepuru pun miri awonsi'ki imuna pi'.

<sup>28</sup> Ka'pon kuru usento' pe iyese tiwano' pe, tauyu iku tauya miri awonsi'ki tauyuku ensi tauya rawiri.

<sup>29</sup> Apune para inu' ri uya iku yau miri awonsi'ki ensi yau Itepuru pun to'ka'naku'ima para uya eseru aimenkato' ri iku miri awonsi'ki ensi taponakan pe ri.

<sup>30</sup> Miri wenai tu'kan kon ni i'koro'tau'nokon te'san esi i'simura miri awonsi'ki takuru'ke'ne miri awonsi'ki tu'kan kon ni uma'ta'pu.

<sup>31</sup> E'tane uiwano' kon pe uyeseru kon aimenka yau, eseru aimenkato' Papa uya o'koi' enan pen ni.

<sup>32</sup> Itepuru uya uyeseru kon aimenka a'tai ukoneka iya 'nokon miri, ora pokon pe useno'man namai'.

<sup>33</sup> Miri pe iyese pi', utonpa ton, enta'nase'na ayamurasa' kon a'tai, itonpa kon enupikiri te'se e'ti'.

<sup>34</sup> Inu' ri esi yau iwan pe, pata po ri nenta'nakarai, ayamara kon pe iyese a'tai eseru aimenkato' otori pe iyena kon namai'.

Miri awonsi'ki uye'sa' a'tai, miyari ri iyenupa uya 'nokon miri.

## 12

### *Iya'kwaru Uya Repan Nito'*

<sup>1</sup> Seri si Iya'kwaru uya repan nito' pi', i'tunin pe para iwesi kon i'se para esi, utonpa ton.

<sup>2</sup> I'tu auya'nokon Papa i'tunin pe para iwesi kon a'tai, tumaimu kenan kon pen ni papa tato' ipi' pe ika'sa' kon winikhi' autano'ma'pu kon.

<sup>3</sup> Miri pi' nin si ta uya ipi'nokon, inu' Papa A'kwaru wini tusauro'sen pen uya, "Sises nesii tupa'na'sen pe," ta para iyese, miri awonsi'ki inu' uya, "Sises esi Itepuru," ta para ri iyese Waku A'kwaru uya riken ta pi' ta iya miri.

<sup>4</sup> Moro i'si'tai ri Iya'kwaru uya repan nito' esi, e'tane miri ri Iya'kwaru.

<sup>5</sup> Moro ri i'si'tai iyapiyo' pe e'nito' eseru esi, e'tane kuri ri ri Itepuru.

<sup>6</sup> Moro i'si'tai e'tarawasoman eseru esi, e'tane kuri ri ri Papa uya itarawasoma tanporon kon ka'pon amu' yau.

<sup>7</sup> Seri si Iya'kwaru usenpoika esi miri ka'pon kaisa ri waku pe to' ku'nin pe.

<sup>8</sup> Tikin nan ena' iye'tusa' Iya'kwaru wini pu'kena' pe isauro'to' pe, taron ni ena' miri ri Iya'kwaru uya itusa' isauro'to' pe i'tunin ye' pe,

<sup>9</sup> taron ni ena' miri ri mari Iya'kwaru uya itusa' apurito', taron ni ena' miri tikin nan Iya'kwaru uya itusa' epi'tin nito' ike,

<sup>10</sup> taron ni eke Papa tarawasooi ku'to' ike, taron ni ena' pu'kena' pe isauro'to', taron ni ena' taron ni pe'ne iya'kwaru i'tunin, taron ni ena' taron ni ton main yai\* tusauro'sen pe, miri awonsi'ki taron ni ri mari ena' taron ni main yai usauro'ni enpoikanin pe.

<sup>11</sup> Tanporo seri ton na'ne' esi tikin nan ni, miri ri mari Iya'kwaru tarawasooi pe, itusa' iya ka'pon kaisa ri iye'kupu i'se te'to' awiri.

### *Ipun Tikin Nan, Tu'kan Ipu'ka Ton*

---

\* **12:10** main yai; miri pe para, ani yai Kiri' maimu yau; v. 28 yau ri niri. **12:11** Ron 12:6-8

12 Ipun esi tikin nan, iyekonekasa' ri e'tane tu'ke ipu'ku ton; miri awonsi'ki tu'ke ri tanporo ipu'ku ton e'tane tikin ni ri ipun konekasa' iya. Miri kasa Kurai esi.

13 Apune para tanporo tikin nan ni Iya'kwaru uya pa'taisiman nisa' tikin nan ipun ya'—Esuweru amu' miri pe para Kiri' amu', poitoru ton miri awonsi'ki enawon kon pen—tanporo uwo'pa'pu kon tikin nan ni Iya'kwaru ke ensito' pe.

14 Seri si tikin nan ipu'ku uya ipun konekasa' pen e'tane tu'kan uya.

15 Pata uya ta pe iyesei yau, “Apune para miya' pe para esi pi', ipun tonpa pen uri,” ta para iyesei, miri uya ereutanaku para ri iyesei ipun pu'ku pe para iye'to' pe.

16 Pana uya ta pe iyesei yau, “Apune para en pe para esi pi', ipun tonpa pen uri,” ta para iyesei, miri uya ereutanaku para ri iyesei ipun pu'ku pe para iye'to' pe.

17 Tanporo ipun esi yau en pe, nai airi etanin nesii'no? Tanporo ipun esi yau pana pe, nai airi ikitun etanin nesii'no?

18 E'tane Papa uya ri ipu'ku ton tupa'sa' ipun pi', tanporon ton ni, i'se te'to' awiri ri.

19 Tanporo iyesei yau tikin ni ipu'ku pe, nai airi ken si ipun nesii'no?

20 Na'ne' kasa nin si iyesei, moro tu'ke ipu'ku ton esi, e'tane tikin ni ipun.

21 Itenu uya ta poken para iyesei miya' pi', “Ii'se para e'ai'!” miri awonsi'ki i'pai uya ta poken para iyesei pata pi', “Ii'se para e'ai'!”

22 Miri kasa pen. Mi ipu'ku ton i'si'mura na'ne' i'se p̄ra e'ni poken p̄ra iyese.

23 Miri awonsi'ki ipu'ku ton se pe ri upona'nokon te'sen esi t̄pontisen pe waku pe kuru. Miri wenai si t̄ron kon uya ene namai' iniponti miri,

24 t̄ron ni ton nin si ipu'ku ton e'tane miri kasa kuru t̄akup̄ i'se p̄ra. Miri kasa si Papa uya pun wanni konekasa' isi'kaisa ri, t̄ron ni e'tane waku pe kuru t̄aku'sen pe iri pe ru'kwi ri iye'tane,

25 ipun e'ta'naku namai' e'tane ipu'ku ton e'to' pe isi'kaisa ri isipi' t̄usewankamasan pe.

26 Tikin nan ipu'ku ekota'ma yau, tanporon ni ipu'ku ton ekota'ma ipokon pe; tikin nan ipu'ku nama yau, tanporo itonpa ton epori'ma ipokon pe.

27 Seri si imiri'nokon esi K̄rai pun pe, me'atui'ne' kaisa ri ipu'ku pe iwesi kon.

28 Miri awonsi'ki Papa uya tanporon wapiya an̄nsa' itekare ekamai' enno'sa' kon, miri pikiri pu'kena' am̄, miri pikiri ti'sa am̄, miri awonsi'ki eke Papa t̄rawasooi ku'nin nan, kamo kanan epi'tinin pe to' e'to' pe iku'sa' kon, kamo t̄tonpa kon pika'tinin nan ye', kamo t̄tonpa kon am̄ esanon, iu'matu pe kamo i'si'taino main yai† t̄usauro'san.

29 Tanporo pe' itekare ekamai' enno'sa' kon pe to' nai? Tanporo pe' pu'kena' am̄ pe to' nai? Tanporo pe' ti'sa pe to' nai? Tanporo pe' eke Papa t̄rawasooi kup̄ pi' to' nai?

30 Tanporo pe' epi'tinin pe iku'sa' kon pe to' nai? Tanporo pe' to' n̄sauro'an t̄ron ni main yai‡?

† 12:28 *main yai*; miri pe p̄ra, *ani yai*; v. 30 yau niri. 12:28 E'pe'sas 4:11 ‡ 12:30 *main yai*; miri pe p̄ra, *ani yai* Kiri' maimu yau.

Tanporon kon pe' enpoikanin nan?

<sup>31</sup> E'tane eke pari tutusen enupikiri e'ti'.§

Miri awonsi'ki si iyenu kon ya' enpoika uya waku kuru nin iteseru.

## 13

### *Usi'nankan Nito'*

<sup>1</sup> Usauroku pe iyesei yau ka'pon amu' miri awonsi'ki inseru amu' ani yai,\* e'tane usi'nanka para iyesei yau, tenten tawon sanpana miri pe para isipona tawipi'se tuturunpasen wai amu' kasa ri pana'ka' ri esi.

<sup>2</sup> Pu'kena' pe ri usauro'tane, tanporon ni i'tu pokena' pen ni i'tunin pe miri awonsi'ki tanporon ni i'tuto' ike esa' pe, miri awonsi'ki apurito' uya wu' ri amanin pe, e'tane usi'nankan nito' para esi yau, inu' pe para ri esi miri.

<sup>3</sup> Tanporo uiwano' pe te'sen ke entu'manin repanin pe miri awonsi'ki upun ni tunin pe e'tane iyepo'tito' pe,† e'tane usi'nankan nito' para esi yau, i'ri eporo uya pen ni miri.

<sup>4</sup> Usi'nankan nito' esi miri imoronkanin pe, usi'nankan nito' esi miri mannu' pe e'nito'. Ikinikena' pen, tautapurisen pen, mi pe te'ku'sen pen.

<sup>5</sup> Iri pen ni, tupi' riken tausenuminkasen pen, se pe ri tusakorotasen pen, iri ru'pu ri ko'manu'nin pen.

---

§ **12:31** eke pari tutusen enupikiri e'ti'; miri pe para, eke pari tutusen enupikiri auya'nokon miri. \* **13:1** ani yai; miri pe para, maimu yai; v. 8 yau niri. **13:2** Ma'siu 17:20; 21:21; Ma' 11:23 † **13:3** iyepo'tito' pe; miri pe para, tautapurisen pe e'to' pe.

<sup>6</sup> Usi'nankan nito' esi miri iri nupori'manu pen ni e'tane tepori'masen i'napairon pi'.

<sup>7</sup> Wapu'tinin ye' ri, apurinin ye' ri, te'ku'sen ye' ri, miyari ri iku'nin ye'.

<sup>8</sup> Usi'nankan nito' esi siyaro' ri. E'tane pu'kena' pe isekamasa' ru'pu ereutato' oton ni nin; ani ton pe na'ne' e'ta'nito' oton; i'tunin pe e'ni emeporu utito' oton.

<sup>9</sup> Apune para mara ri i'tunin pe e'ni, miri awonsi'ki pu'kena' pe e'ni emeporu esi mara ri,

<sup>10</sup> e'tane nin si mara te'sen pen uyepu a'tai, mara te'sen para iyena miri.

<sup>11</sup> Mare' esi a'tai, mare pe ri usauroku'pu, mare pe ri usenuminka'pu, mare pe ri e'ku'to' esi'pu. Eke pe nin si enasa' a'tai, mare' esi eseru ru'pu ensimasa' uya miri.

<sup>12</sup> Seri si ene'nokon e'tane wanamari e'kwasa' yai, ikapisin pe; miri a'tai nin si, usen nito' oton kon ipun pe. Seri si i'tu uya mara ri; mara para nin si i'tuto' uya oton, mara para ui'tu na'ne' kasa.

<sup>13</sup> Seri ton si osoruwawon esi moro: apurito', e'ku'nito' miri awonsi'ki usi'nankan nito'. E'tane miri ton tonpa eke kuru esi usi'nankan nito'.

## 14

### *Pu'kena' Pe Usauro'ni Miri Awonsi'ki Ani Ton Yai*

<sup>1</sup> Usi'nankan eseru awiri e'ti', Iya'kwaru uya iyemeporu'ti kon i'se esii'ma, pu'kena' pe iwe'to' kon emeporu kuru.

<sup>2</sup> Apune para kari tusauro'sen ani yai\* esi ka'pon amu' auro'kanin pe para e'tane Papa auro'ka iya. I'napai ri sa'ne, inu' uya imaimu

\* 14:2 *ani yai*; miri pe para, *main yai*



to'ka'nuk<sub>u</sub> p<sub>u</sub>ra iyesi; i'tu pokena' pen ekama iya ta'kwar<sub>u</sub> ke.

<sup>3</sup> E'tane tanporon kon pu'kena' pe t<sub>u</sub>sauro'san uya ka'pon am<sub>u</sub>' auro'ka miri to' meruntitan<sub>u</sub>'nin pe, to' pori'manin pe miri awonsi'ki to' a'kwar<sub>u</sub> nep<sub>u</sub> pe.

<sup>4</sup> K<sub>u</sub>ri ani yai t<sub>u</sub>sauro'sen epika'ti tiwano' pe, e'tane k<sub>u</sub>ri pu'kena' pe t<sub>u</sub>sauro'sen uya so'si pika'ti.

<sup>5</sup> Me'at<sub>u</sub>i'ne' kaisa ri ausaurok<sub>u</sub> kon i'se e'ai' ani yai, e'tane kuru pu'kena' pe ausaurok<sub>u</sub> kon i'se esi. K<sub>u</sub>ri pu'kena' pe t<sub>u</sub>sauro'sen esi eke pe ani yai† t<sub>u</sub>sauro'sen entai, enpoika iya a'tai riken so'si epika'tito' pe.

<sup>6</sup> Seri si, utonpa ton, uyep<sub>u</sub> pe iyesi yau ayauro'kai'nokon ani yai, wak<sub>u</sub> pe pe' ikup<sub>u</sub> uya 'nokon? Tenpoikasen niken nep<sub>u</sub> uya a'tai, miri pe p<sub>u</sub>ra i'tunin pe e'nito' miri pe p<sub>u</sub>ra pu'kena' pe usauro'nito' miri pe p<sub>u</sub>ra usenupan nito' nep<sub>u</sub> uya a'tai riken, wak<sub>u</sub> pe ikup<sub>u</sub> uya 'nokon.

<sup>7</sup> Nurinan ton pen yau ri sa'ne t<sub>u</sub>turunsan wai am<sub>u</sub>' yau, sakuwa miri pe p<sub>u</sub>ra a'pu ri, nai kasa iturum<sub>u</sub> i'tu etanin uya, wak<sub>u</sub> pe riken iyenu'pi'to' iu'tipi'to' e'kup<sub>u</sub> yau i'tu ri?

<sup>8</sup> T<sub>u</sub>ronpi' kanan uturum<sub>u</sub> p<sub>u</sub>ra iyesi yau e'ki'man pe, in<sub>u</sub>' e'kama t<sub>u</sub>sewa'nomato' pe?

<sup>9</sup> Se kasa si iwesi kon. T<sub>u</sub>to'ka'n<sub>u</sub>'sen pe riken ausaurok<sub>u</sub> kon yau ayani kon yai ausaurok<sub>u</sub> i'tu etanin uya. Miri p<sub>u</sub>ra iyesi yau, a'setun ya' ri nin ausaurok<sub>u</sub> kon miri.

<sup>10</sup> Ikasima poken p<sub>u</sub>ra ri iyesi ti'tui' p<sub>u</sub>ra main am<sub>u</sub>' esi miri non em<sub>u</sub>' poro, e'tane i'ri ta e'kwa pe

---

† 14:5 ani yai, miri pe p<sub>u</sub>ra main yai; v. 6, 18, 21-23, 39 yau niri.

iyesi ta p̄ra iyesi.

11 Ka'pon usauro'to' to'ka'n̄sa' uya p̄ra iyesi yau, ka'k̄ran pe ri ipona esi miri, uri pona niri ka'k̄ran pe iyesi.

12 Miri kasa iwesi kon. Iya'kwar̄ uya iyemepor̄'tito' kon inepopai iwesi kon pi', so'si emo'kanin kuru i'se e'ti'.

13 Miri pe iyesi pi', ka'pon ani yai t̄usauro'sen ip̄remato' pe iyesi t̄maimu enpoikanin pe te'to' pe.

14 Ani yai ip̄rema pe iyesi yau, uya'kwar̄ ip̄rema, e'tane usenuminkato' esi i'ri p̄ra ri.

15 Miri pi' si, i'ri ken si kup̄ uya? Uya'kwar̄ pokon pe ip̄rema, usenuminkato' pokon pe ri niri ip̄rema; uya'kwar̄ pokon pe userenka, usenuminkato' pokon pe ri niri userenka.

16 Aya'kwar̄ ke Papa apurip̄t̄ auya pe iyesi yau, nai kasa k̄ri i'koro'tau'nokon na'ne' ito'ka'n̄nin pen uya, “Amen,” ta, tenki tato' auya pi' amaimu i'tui'ma p̄ra ri?

17 Wak̄ pe ri tenki tato' auya esi, e'tane t̄ron ni ka'pon pika'ti iya p̄ra iyesi.

18 Tenki ukayai' Papa pi' iyentai'nokon pari t̄usauro'sen uri ani yai.

19 E'tane so'si tau 5 kaisa ri enupanin main yai asauro'pai e'ai' t̄ron kon enupanin pe 10,000 kaisaron main ani yaino entai.

20 Utonpa ton, m̄re kasa iusenuminkato' kon ereutan̄'ti'. Iri yau aiko ton m̄re am̄' pe e'ti', e'tane iusenuminkato' kon yau iyak̄'p̄sa' kon pe e'ti'.

21 Main yau iye'menukasa' man:  
“Ti'tusan kon pen ka'pon am̄' ani yai,

sunwaron kon mata yai  
 p̄samoro ka'pon am̄a' auro'kato' uya oton,  
 e'tane miri ri e'tane to' uya uyetato' oton  
 pen,"‡

ta Itepuru uya.

22 Miri wenai si, ani esi i'tuto' ipi' pe apurinin  
 nan iwano' pen e'tane apurinin nan pen iwano';  
 pu'kena' pe usauro'ni esi apurinin nan iwano' pe,  
 apurinin nan pen iwano' pe pen.

23 Tanporo si so'si tawon kon ye' am̄arasa'  
 yau, miripan kon usauroka yau ani yai, miri yau  
 ito'ka'n̄a'nin nan pen§ miri pe p̄ra apurinin nan  
 pen ewom̄a yau, to' utano'ma ta to' uya pen pe' mi?

24 E'tane apurinin pen miri pe p̄ra in̄a' ri  
 ito'ka'n̄a'nin pen ewom̄a yau, tanporon kon us-  
 auroka yau pu'kena' pe, ewai' ri ka'wa ta iya  
 tanporo t̄netan̄a pi', t̄makooi ke tesi pi', miri  
 awonsi'ki tanporon kon uya teseru aimenka pi',

25 miri awonsi'ki ama'ai ri tewan yau inenku-  
 runpan̄a usenpoika ayu pona. Miripan nin si ena  
 tem̄a' po non pona Papa apuripi'se'na, miripan  
 uya, "Papa kuru ri man ipiyau'nokon!" ta.

### *Papa Apuripit̄a Eseru*

26 Fri ken si ta, utonpa ton? Ayam̄arasa' kon  
 pe iyesi a'tai, tanporon kon piyau eren e'to' pe  
 iyesi, miri pe p̄ra usenupan nito' ipi', miri pe p̄ra  
 tenpoikasen, miri pe p̄ra ani, miri pe p̄ra ani  
 yaino enpoikanin. Tanporo seri ton e'ku'to' pe  
 iyesi so'si meruntitan̄a'nin pe.

‡ 14:21 Aisaya 28:11-12

§ 14:23 ito'ka'n̄a'nin nan pen; miri pe

p̄ra, ata'toma'san

27 Inu' ri usauroku pe iyese yau ani yai, tiwi asa'ron kon, miri pe para osoruwawon kon nusaurokui tikin pa'ne ise'ma'pa pe, miri awonsi'ki taron ni si nenpoikai.

28 Enpoikanin para iyese yau, tiwi tusauro'sen nesii e'pana so'si tau, tiwano' pe ri nin miri awonsi'ki Papa ya' ri nin usauro'ni pi'.

29 Asa'ri miri pe para osoruwawon kon pu'kena' amu' nusaurokui, taron kon uya eta tane.

30 Miri yau si inu' ri iyereutasa' na'ne' piya' tenpoikasen uyepa yau, tusauro'sen ne'pakapui.

31 Apune para tanporo i'senta' pu'kena' pe ausauro'to' kon pe iyese, tanporon kon enupa pe miri awonsi'ki to' pori'ma pe.

32 Iya'kwaru uya pu'kena' amu' emeporu'tito' to' usauro'to' pe esi pu'kena' amu' enawon pe ri.

33 Apune para Papa esi isiporon pen ni i'sero' pen e'tane tausewankamai' para e'ni iwano'.

Tanporo waku ton so'si tawon kon esi na'ne' kasa,

34 uri'sami'si amu' e'to' pe iyese e'pana. To' usauro'to' pe para iyese, e'tane main awiri to' e'to' pe iyese, Main, Mosi' winon uya tasa' na'ne' kasa.

35 I'ri ri inekama'popai to' esi yau, tutaan'pa kon ni ekama'poto' to' uya pe iyese pata po; apune para piyi'nu' ri iyese uri'san usauroku a'tai so'si tau.

36 Iwini'nokon pe' Papa maimu epiya'ti'pa? Imiri'nokon niken kati ka'pon amu' ineporo'san?

37 Inu' ri e'kupu yau pu'kena' pe miri pe para Iya'kwaru nemeporu'ti'pa pe, tiwi ni'tui seri iyena'nokon simenukayai'ne' esi Itepuru maimu.

38 Serì nonkasa' iya yau, kùri rì rì nìri nonka miri.\*

39 Mirì pe iyesi pi' utonpa ton, pu'kena' pe tusauro'sen pe e'paino pe e'ti', ani yai usauro'nito' kù'nonkatuu.

40 E'tane wakù pe riken isiporo ne'kupui.

## 15

### *Kurai E'mu'sa'kato'*

1 Serì si, utonpa ton, iyemiya'pontipai'nokon esi wakù itekare ipi'nokon unekama'pù pi', ananamu'pù kon mirì awonsi'ki ipi' auta'sisa' kon na'ne'.

2 Serì itekare wini iyepika'tisa' kon mirì, main ipi'nokon unekama'pù pi' sa'man pe auta'sisa' kon yau. Mirì pe pàra iyesi yau, apurisa' auya'nokon nin mirì epoton kasa rì.

3 Uneporo'pù ni'kwiri'nukù uya mirì iyena'nokon usennakan pe pàra kuru iyesi pi':\* Kurai erikù'pù umakooi kon wenai, iye'menukasa' itekare na'ne' awiri,

4 mirìpan u'na'ti'pù, mirìpan e'mu'sa'ka'pù itosoruwano wù yau, iye'menukasa' na'ne' itekare awiri,

5 mirìpan usenpoika'pù Ke'pas† piya' mirì awonsi'ki nin si 12 kaisaron kon piya'.

---

\* **14:38** Serì nonkasa' iya yau, kùri rì rì nìri nonka miri; mirì pe pàra, serì i'tu iya pàra iyesi yau, tiwi i'tunin pe pàra nesii. \* **15:3** usennakan pe pàra kuru iyesi pi'; mirì pe pàra, wapiyaro' pe usennakan nito' pe pàra iyesi pi' **15:3** Aisaya 53:5-12 **15:4** Eren 16:8-10; Ma'siu 12:40; Inkupù'pù 2:24-32 † **15:5** Ke'pas, mirì pe pàra Pi'ta tukai' Arami' maimu yau. **15:5** Ma'siu 28:16-17; Ma' 16:14; Uru' 24:34, 36; Isaan 20:19

<sup>6</sup> Miri tupo, isenpoika'pɥ 500 entaino kon ni tatonpa ton piya' miri a'tai ri, moro ri to' tonpa'san esi miri nurine, taron kon ni eri'pi'kaa'pɥ e'tane.

<sup>7</sup> Miri a'tai'ne ri isenpoika'pɥ Isens piya', miri awonsi'ki tanporo itekare ekamai' enno'sa' kon piya',

<sup>8</sup> iu'matɥ pe isenpoika'pɥ upiya' ri niri, ipoken pɥra iyentusa' rɥ'pɥ waraino ri piya'.

<sup>9</sup> Itekare ekamai' enno'sa' kon o'non ni uri miri awonsi'ki esa'paino pen ni itekare ekamai' enno'sa' tukai', apɥne pɥra Papa so'sii kota'masa' uya.

<sup>10</sup> E'tane Papa uya wakɥ nonkasa' ke esi seri e'ai'ne' pe, miri awonsi'ki wakɥ nonkasa' iya e'sa' esi iwotori'pi pɥra pen. Kane ku, sa'man pe e'turawasomasa' seri to' entai, uri pen ni sa'ne e'tane, e'tane Papa uya wakɥ nonkasa' upiyau iye'sa' na'ne'.

<sup>11</sup> Uri pe ri, miri pe pɥra kamoro pe ri na'ki, seri seri ina nekamanɥ, miri awonsi'ki seri seri anapurinɥ kon.

### *Iyeri'sa' Kon E'mɥ'sa'kato'*

<sup>12</sup> E'tane Kɥrai e'mɥ'sa'ka'pɥ terikɥ'pɥ apai tawon usekamasa' yau ipi'nokon, nai kasa ken itonpa kon uya iyeri'sa' kon e'mɥ'sa'ka pɥra iyesi ta?

<sup>13</sup> Iyeri'sa' kon e'mɥ'sa'ka pɥra iyesi yau, Kɥrai ri si e'mɥ'sa'ka'pɥ pe pɥra iyesi miri.

<sup>14</sup> Kɥrai e'mɥ'sa'kasa' pɥra iyesi yau, ina nekamanɥ esi miri iturawasooi rɥ'pɥ pɥra miri awonsi'ki apurito' auya'nokon ni niri.

15 Miri entai kuru, ina si esi kasi ye' pe ri Papa pi' t̄ausauro'sen pe, ap̄ne p̄ra Papa uya K̄rai i'm̄'sa'ka'p̄ iyerik̄'p̄ apai tasa' ina uya. E'tane i'm̄'sa'kasa' iya p̄ra ri iyese, iyeri'sa' kon e'm̄'sa'ka p̄ra iyese yau.

16 Ap̄ne p̄ra si iyeri'sa' kon e'm̄'sa'ka p̄ra iyese pi', miri a'tai si K̄rai e'm̄'sa'kasa' p̄ra ri niri si iyese.

17 Miri awonsi'ki K̄rai e'm̄'sa'kasa' p̄ra iyese yau, apurito' auya'nokon esi miri epoton kasa ri, amakooi kon yau ri mari si iwesi kon.

18 Miri a'tai kamo K̄rai yau te'san eri'sa' uma'tasa' ri nin si.

19 Seri yawon uko'man nito' yau K̄rai pi' e'ku'nito' esi yau, usentu'man nito' ipi' pe ri nin e'ni seri t̄aron kon ka'pon am̄' pi' e'ni entai ri.

20 E'tane K̄rai kuru ri nin e'm̄'sa'ka'p̄ terik̄'p̄ apai, kamoro iye'n̄nsa' kon n̄'san tipiyar̄ka pe.

21 Ap̄ne p̄ra uma'tan nito' uye'sa' pi' ka'pon poro, eri'ni t̄apo e'm̄'sa'kan nito' ri niri uyep̄ ka'pon poro.

22 Ap̄ne p̄ra tanporon kon eri'sa' pi' Atan pikiri, miri kasa ri tanporon kon enato' oton nurine K̄rai pikiri.

23 E'tane isipikiri'ne, K̄rai to' tipiyar̄ka nin; miri awonsi'ki iye'sa' a'tai kamoro nin si itiwano' ton.

24 Miri a'tai kuru nin iweyu u'ma'to' esi miri; Papa Ikuip̄n̄ ena' itesa' pe te'to' nonkato' iya, tanporon ni non esanon, eke pata esanon miri awonsi'ki merunti ma'tan̄ka t̄apo.

25 Apune p̄ara etasa' pe iye'to' pe iyesi Papa uya tanporo iteyaton nonka p̄u'k̄u pona i'ta o'koi'.

26 Iu'mat̄u pe inma'tan̄uk̄un̄u iteyaton esi miri uma'tan nito'.

27 Apune p̄ara, “Papa uya tanporon ni nonkasa' i'ta o'koi'.”‡ Ser̄i si, “tanporon ni e'nonkasa' iwo'koi',” nikayai'ne' esi, i'tu ri Papa pokon pe iyesi pi' ta iya pen ni, tanporon ni nonkayai'ne' K̄urai o'koi'.

28 Ser̄i ku'sa' iya a'tai, Imu ri ena iwo'koi' tanporon ni tanin n̄u'p̄u t̄wo'koi' miri kasa ri Papa e'to' pe tanporo; tanporon yau.

29 Ser̄i si, e'm̄u'sa'kan nito' p̄ara iyesi yau, i'ri ken si kup̄u kamoro iyeri'sa' kon iwano' pe, iyepa'taisimasa' kon uya? Iyeri'sa' kon e'm̄u'sa'kasa' p̄ara kuru iyesi yau, i'rito' pe ken ka'pon am̄u' epa'taisima nesii'no to' iwano' pe?

30 Miri awonsi'ki ina ri si, i'rito' pe ken si isi yau ina esi pata weyu kaisari ri?

31 W̄ai kaisari ri erik̄u—ta uya kuru ri sa'ne, utonpa ton—imir̄i'nokon pi' utapur̄ip̄it̄u kasa kuru ri uyepuru kon Sises K̄urai awiri.

32 Ene am̄u' pokon pe usewa'nomasa' yau E'pe'sas po, ka'pon pe e'nito' eseru yau, i'ri ken si eposa' uya nai? Iyeri'sa' kon e'm̄u'sa'kasa' p̄ara iyesi yau,

“Enta'nanpai'nokon miri awonsi'ki e'taripanpai'nokon,

apune p̄ara awanapai ri eri'ni'nokon pi',”§

ta.

33 Kisenku'tit̄uu: “Iri ton tonpa pe e'ni uya wak̄u eseru wanni ma'tan̄uk̄u,” tasa'.



34 Ta'kwaru ke iwe'to' ya' enna'po' iwe'to' kasa, miri awonsi'ki aumakoitato' ereutanu'ki; apune pura moro taron kon man Papa i'tunin nan pen—seri ta uya iyipiyitu kon pa.

### *E'mu'sa'kan Nisa' Pun*

35 E'tane taron ni uya ri ekama'po, “Nai kasa iyeri'sa' kon e'mu'sa'ka? I'ri waraino ipun pe to' uyepu?”

36 Nai pe iya'kwaru pura ri! Inpimi'pu tauto'pansen teri'sa' a'tai riken.

37 Iye'pimi a'tai, tupun ke ipimi auya pen, e'tane ite' pe te'sen itena'pi, iya'tai pura purowa ye' ri miri pe pura i'ri ye' ri.

38 E'tane si Papa uya ipun ke irepa iye'kupu i'se te'to' awiri, miri awonsi'ki ite' kaisari ri iwarai'nan ni ipun ke irepa iya.

39 Tanporo pun amu' esi pen isi'kaisa ri: Ka'pon amu' pun esi tupa ri, o' amu' taron ni pe, toron amu' taron ni pe miri awonsi'ki moro' amu' taron ni pe.

40 Miri yau ka' yawon kon niri pun esi miri awonsi'ki non pon kon pun esi; e'tane tupa ri'ne ri ka' yawon kon akoruwano ton esi, miri awonsi'ki non pon kon akoruwano esi taron ni pe ri.

41 Wu enu taron ni pe ri itakoruwano, kapu taron ni miri awonsi'ki siriki amu' taron ni pe: miri awonsi'ki siriki amu' esi tupa ri takoruwano kon yau.

42 Miri kasa si iyeri'sa' kon e'mu'sa'ka e'to' oton. Itekepu ne'pinyai'ne' esi tukitasen pe, iye'mu'sa'kasa' esi tukita ton pe pura;

43 iye'pimi tunamasen pe p̄ra ri, iye'mu'sa'ka eke pe tuku'sen pe; iye'pimi i'si'mara, iye'mu'sa'ka merunti pe;

44 iye'pimi t̄pun tau ri, iye'mu'sa'ka iya'kwaru pe ipun.

T̄pun tau te'sen pe e'ni yau, moro ri niri iya'kwaru pe e'nito' esi miri.

45 Seri kasa iye'menukasa' miri: “Wapiyaro' ka'pon Atan ena'p̄u nurinan pe,”\* tukai'; iu'matu pe te'sen Atan repa'p̄u uko'man nito' a'kwaru ke.

46 Wapiya iya'kwaru uyee'p̄u pen, e'tane t̄pun tawon, miri awonsi'ki nin si iya'kwaru.

47 Wapiyaro' ka'pon esi'p̄u non sururuui'pi pe, iyakon ite'kwaro' ka'pon esi'p̄u Ep̄u p̄ino.

48 Non pe te'sen ka'pon esi'p̄u kasa, miri kasa ri kamoro non pon kon esi miri; miri awonsi'ki Ep̄u p̄ino ka'pon esi kasa, miri kasa ri mari kamoro Ep̄u iwano' ton esi miri.

49 Miri awonsi'ki non pe te'sen ka'pon esa' pe e'ni'p̄u'nokon ikasa kasa ri mari, miri kasa ri Ep̄u p̄ino ka'pon esa' pe ikasa e'ni'nokon miri.†

50 Ekama uya ipi'nokon, utonpa ton, miri pun miri awonsi'ki m̄u uya Papa e'to' esa' wanni pe eporo p̄ra ri iyesi, miri pe p̄ra t̄ukitasen uya t̄ukitasen pen eporo p̄ra ri iyesi.

51 Etati', tonan tawon ni ekama uya: Tanporo e'n̄nni'nokon pen, e'tane tanporo usen-sima'nokon—

52 inke p̄ra ri, en e'piuka yau ri, iu'matu pe te'sen wai t̄ronpi' a'tai. Ap̄ne p̄ra wai t̄ronpi' uturunto' oton, iyeri'sa' kon si e'mu'sa'kato'

\* 15:45 Iseneses 2:7 † 15:49 ikasa e'ni'nokon miri; miri pe p̄ra, ikasa e'n̄pai'nokon.

oton tɔukitasen pe pɔra, miri awonsi'ki si usensima'nokon.

<sup>53</sup> Apɔne pɔra tɔukitasen si epontito' pe iyese, tɔukitasen pen ya'; miri awonsi'ki teri'sen, teri'sen pen ya'.

<sup>54</sup> Tɔukitasen epontisa' pe iyese a'tai, tɔukitasen pen ya', miri awonsi'ki teri'sen, teri'sen pen ya', miri a'tai si main iye'menukasa' na'ne' ena miri i'napai ri: "Itentai enan nito' uya uma'tan nito' enko'masa',"‡ tawon.

<sup>55</sup> "Uma'tan nito' si, nai ken si itentai iyenato'?"

Uma'tan nito' si, nai ken si isi'poto' auya?"§

<sup>56</sup> Uma'tan nito' uya si'pon nito' esi, makoi; makoi meruntirɔ esi, main, Mosi' winon.

<sup>57</sup> E'tane tenki Papa! Entakanin pe uku'sa' iya 'nokon pi' uyepuru kon Sises Kɔrai poro.

<sup>58</sup> Miri pe iyese pi', utonpa ton nɔ'kwɔ, pana' pe e'mɔ'sa'kati' i'ri ri ayamati'nin. Te'tɔsen ye' pe kuru ri e'ti' Itepu ru tɔrawasooi pona, apɔne pɔra i'tu auya'nokon Itepu ru iwano' pe e'tɔrawasoman esi notɔn pe pen.

## 16

### *Pɔrata Amɔranɔ'to' Papa Munki Iwano' Oton*

<sup>1</sup> Seri si pɔrata amɔranɔ'to' pi' Papa munki amɔ iwano' oton: Kare'siya pon kon so'sii ton pi' iku'ti' ta'pɔ uya ri iku'ti'.

<sup>2</sup> Suntaaka e'sara'tito' weyu kaisa ri'ne, akaisari'nokon pɔrata mɔmo'katɔi' ineporonɔ

---

**15:52** 1 Tesaroni'ka 4:15-17 ‡ **15:54** Aisaya 25:8 § **15:55** Oseyaya 13:14 (LXX) **16:1** Ron 15:25-26

kon pi' tense, makonekatui', uye'sa' a'tai purata amaranu'to' esi namai'.

<sup>3</sup> Miri a'tai uye'sa' a'tai imenukasa' kareta tupi'to' pe uya ananumu'san kon ena' to' ekamanin pe miri awonsi'ki to' enno'to' pe inturunu kon esa' pe Surusiran pona.

<sup>4</sup> Utito' pe iyesei yau ri niri, uya'kiri ri to' utito' pe.

### *Tupoiri Ri Inesakunu*

<sup>5</sup> Ma'sitoniya poro uti tupo, uye'to' oton ipiya'nokon—apane para Ma'sitoniya poro uti ke.

<sup>6</sup> Mara ri na'ki ipiyau'nokon e'an, miri pe para komi' pe pata e'to' weyu ri eno'ma uya, upika'ti kon pa utito' yau, utiyai'ne' airi'ne ri.

<sup>7</sup> Aka'ne' pe ri iyentaka kon pe ri iyenpai'nokon esi pen, ipiyau'nokon pari iko'manpai esi, Itepuru uya ikupu pe iyesei yau.

<sup>8</sup> E'tane E'pe'sas po nin uko'mamu miri Penti'kas pu'ka pona;

<sup>9</sup> apane para uyena' eke kuru turawaso mara'taai uta'kokasa' man miri awonsi'ki tu'ke nin uyewa'nomanin nan man.

<sup>10</sup> Temu'ti uye'sa' yau, iyenari'nanto' kuse'nin ipiyau'nokon iyesei koro'tau, apane para Itepuru turawasooi ari iya miri, uri kasa kuru.

<sup>11</sup> Inu' ri ku'nurunpanin. Menno'tui' tewankamai' para upiya' iye'to' pe. Itenupikiri e'ai' itonpa ton amu' pokon pe.

<sup>12</sup> Seri nin si utonpa kon A'poros pi': Ipan pe kuru ekama'posa' uya miri ipiya'nokon itito' pe

utonpa kon amu' pokon pe. Seri pe'ne itipai para iyese, e'tane iti ri itito' uya eposa' a'tai.

<sup>13</sup> Iiwano' kon pe ri iserasu kon pe e'ti'; sa'man pe e'ti' anapurinu kon yau; enari'ke' pe para, pana' pe e'ti'.

<sup>14</sup> Tanporon ni iku'ti' iusi'nanka kon yau.

<sup>15</sup> I'tu auya'nokon Satipanas iwu' tawon kon ekoneka'pu A'kaya po, miripan kon e'tusa' waku ton turawasooi ku'nin nan pe. Ipan pe iyekama'po uya 'nokon, utonpa ton,

<sup>16</sup> pusamoro waraino kon maimu awiri iye'turu kon pa miri awonsi'ki tanporon kon seri turawaso ya' newonyai'ne' nan ipi' te'turawasomato' kon pe maimu awiri niri.

<sup>17</sup> Pori' pe esi'pu Satipanas, Po'tuna'tos, miri awonsi'ki A'kai'kos uye'sa' a'tai, apune para intuton kon para na'ne' turu'pu to' uya.

<sup>18</sup> To' uya uya'kwaru to'panu'sa' imiri'nokon ni niri. Pusamoro waraino kon ka'pon amu' esi miri ti'tusan pe.

### *Iu'matu Pe Ri Miyari Tato'*

<sup>19</sup> So'si amu' Eisa nono awiron kon uya miyari tato' tuuya'nokon ennoko iyena'nokon. A'kira miri awonsi'ki Purre'sira\* uya miyari ta ipi'nokon tewan kon apai Itepuru yau, miri kasa ri mari kamoro so'si pi' tamurapi'san to' iwu' tau uya ta.

<sup>20</sup> Tanporon kon ni seri yau te'san man miyari tato' tuuya'nokon ennoko pi' iyena'nokon. Miyari ka'ti' itonpa kon amu' pi' waku eseru yau auta'su'ka kon pe.

---

**16:15** 1 Koren 1:16 \* **16:19** Kiri' maimu yau, Puri'sa, taron ni pe Purre'sira tato' yai. **16:19** Inkupu'pu 18:2

<sup>21</sup> Uri, Paar<sub>u</sub> uya miyari tato' menuka uyemiyat<sub>u</sub> ke ri.

<sup>22</sup> In<sub>u</sub>' uya ri Itepuru i'n<sub>u</sub>nka p<sub>u</sub>ra iyese yau—pa'n<sub>u</sub>' ri e'nonka miri ipona. Isi'ki ri, Epuru!<sup>†</sup>

<sup>23</sup> Itepuru Sises uya wak<sub>u</sub> nonkasa' nesii ipiyau'nokon.

<sup>24</sup> Tanporo ii'n<sub>u</sub>nkato' kon uya esi Sises K<sub>u</sub>rai yau. Amen.<sup>‡</sup>

---

<sup>†</sup> **16:22** *Isi'ki ri, Epuru!*—Arami' maimu yau, *Marana'ta—Isi'ki ri, Epuru* ta e'kwa pe.    <sup>‡</sup> **16:24** T<sub>u</sub>ron ni imenukasa' ton esi *Amen* p<sub>u</sub>ra si.

**Wakɛ Itekare: Emenna' Pe Ekonekan Nito'  
New Testament in Akawaio (GY:ake:Akawaio)**

copyright © 2010 Wycliffe Bible Translators, Inc.

Language: Akawaio

Translation by: Wycliffe Bible Translators, Inc.

Akawaio

ake

Guyana

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Akawaio

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

---

PDF generated using Haiola and XeLaTeX on 18 Apr 2025 from source files dated 29 Jan 2022

0a50da4e-768d-5472-9dd1-d9747ff5918f